

***Inuiaqatigiilerinermi ilikkagassatut  
pilersaarutit***

\*\*\*\*\*

*A: Anguniakkat ilisarititsinerlu*



## **Inuiaqatigiilerinermi atuartitsinerup siunertaa**

(Atuarfimmi atuartitsissutini atuartitsissutinilu qanitariissuni alloriarfiit siunertaat aamma atuartitsissutit siunertaat kiisalu ilikkagassatut anguniagassat pillugit Namminersornerullutik Oqartussat nalunaarutaanni § 18 tunngavigalugu.)

Atuartsinerup siunertaraa atuartut oqaluttuarisaanikkut, kulturgeografiilerinikkut allatigullu inuiaqatigiilerinikkut tunngaviusumik nassuiaasioriaatsinik aamma paasisitsiniutit ilusaannik atuneq piginnaasaqarfigilissagaat. Atuartut sumiiffinni ataasiakkaani, nunani ataasiakkaani nunarsuarlu tamakkerlugu qanga ullumikkullu inuuniarnikkut atugassarititaasut, eqqarsartaatsit inuiaqatigiinnillu ilusilersueriaatsit pillugit ilisimasassat pigiliutissavaat. Atuartut inuit inuuniarnermikkut atugarisaasa aamma pinngortitap pilersitaasa inuillu pinngortitaasa pissutaasa akornanni ataqatigiissutsit aamma inuuniarnermut inuiaqatigiinnilu inuunermut allannguutit qanoq sunniuteqarneri pillugit paasinninnertik ineriartortissavaat.

*Imm. 2.* Atuartsinerup atuartut kulturikkut inuiaqatigiinnikkullu attuumaffigisaminnik paasinnissaat peqataaffigissavaa. Atuartsinerup atuartut isornartorsiuisinnaassusertik ineriartortissagaat namminneerlutik misissueqqissaarsinnaalissallutik, nalilersuisinnaalissallutik aamma politikkikkut, aningaasarsiornikkut tunngaviusumillu eqqarsartaatsinik oqaatiginnittarnerit pissutsillu aaqqittariaqartut isummersorfigisinnaalersimassallugit najukkani ataasiakkaani, nunagisaq tamakkerlugu nunarsuarmilu tamarmi taamatutaaq peqataaffigissavai. Atuartut atuartitsissutip imamigut periarfissarititai ilisimasaqarfigiartussavaat aamma atuartsinerup atuartut ilikkariatortnerinut akissusaaqataasinnaanermut piginnaasaqalersissavai.

*Imm. 3.* Atuartsinerup atuartut naalackersuinermut inuiaqatigiinnullu tunngasut apeqqutit pillugit soqutiginnilersissavai aamma nammineq allallu isummersornerinut oqaluttuarisaanermi tunngaviit naleqassutsimullu isiginnittaatsit tunuliaqutaasut paasissagaat peqataaffigissavai.

*Imm. 4.* Atuartsinerup atuartut kulturit inuiaqatigiillu allat pillugit ilisimasaqalersissavai. Atuartut ullutsinni inuiaqatigiinni pissutsit ajornartorsiutillu tunuliaqutaat taakkulu qanoq iluariniaarneqarneri ilisimasaqarfigilissavaat. Atuartut inuup kisimiilluni aamma suleqateqarluni inuiaqatigiinni oqartussaaqataaffiusuni aalajangiussanut sunneeqataasinnaanera ilisimaqarfigilisavaat

### *Siunertamut oqaaseqaatit*

Imm. 1.-imi eqqartorneqarput atuartitsissummi nalunngisassat piginnaasassallu atuartut ataasiakkaat atuarnermi tamarmiusumi pissarsiariniagassaat – atuartitsissutip ilinniagassartaanut tunngassuteqartut.

Imm. 2.-mi eqqartorneqarput, inuttut nammineerlunilu nalunngilikkanik piginnaaffigilikkaminillu sakkooqarluni, inuttut inerikkiartornermi kinaassuseqarnerup innarligassaangissutsillu nukittorsarneqarneranut atuisinnaalerneq, tassa inummi namminerimi eqqarsartarnerup inerikkiartornera.

Imm. 3.-mi eqqartorneqarput, atuartup nalunngilikkanik piginnaaffigilikkaminillu inunnik allanik suleqateqarnikkut inoqatiminik ataqinnissinnaalernissaminut paasinnissinnaalernissaa, tassa inuit akunnerminni susassareqatigiinnerat.

Imm. 4.-mi eqqartorneqarput, atuartup nalunngilikkanik piginnaaffigilikkaminillu, sumiiffimmi nunarsuarlu tamakkerlugu oqartussaaqataaernermit kulturillu akornanni akaareqatigiinnermut, atuisinnaalernissaminut piginnaassusissai - ataatsimut isiginninnikkut inuiaqatigiinnik kulturillu pillugit sammisaqarneq.

Akullerni alloriarfimmi atuartitsinerup atuartut kulturerisaminnik tamatumalu oqaluttuarisaanikkut tunngaviinik paasinnikkiartulernerat annertuutigit aallaavigissavaa. Kalaallit Nunaat aallaavigalugu inuiaqatigiit allat aqqissugaaneriniq kulturiinillu paasinninnikkut alloriarfimmi atuartitsinerup atuartut nammineq nunagisami nunanilu allani naalackersuinikkut aqqissuussinernik, nammineq nunagisami nunanilu allani inuussutissarsiuutigit innuttaasullu amerlassusiiisa ineriartorsimaneriniq kiisalu ineriartorsimanerit taamaattut teknologimit sunniuteqarfigineqarsimaneriniq annertuutigit paasinninnissaat, ilisimasaqalernissaat ilikkagaqarnissaallu ammaassivigissavaa.

Akullerni atuartitsinerimi atuartut ullutsinni pisuussutsit nunarsuarmilu mingutitsinerimi ajornartorsiutaasut eqqarsaatigalugit nunarsuarimi inuiaqatinut nammineerlutik akisussaaqqarnerminnik taamatullu nunarsuarimi inuiaqatigiit inunnut ataasiakkaanut ingammillu meeqqat piginnaati-taaffiinut akisussaaqqarneriniq paasinnikkiartulissapput. Atuartut inuiaqatigiit tamatsinnit pilerinneqartarnerat annertunerujartuinnartumik paasiartussavaat, taamaammallu aamma nammineerluta inuiaqatitsinnut inuiassuarnullu akisussaaqataasugut.

## **Atuartsissutip inissinneqarnera**

Ukiuni atuarfiusuni qulini tamani inuiaqatigiilerineq pinngitsoorani atuartsissutissatut inissisimavoq. Atuartsissutissaq, atuartsissutissanit nalinginnaasunit nunalerinermit (kulturimik nunalerineq), oqaluttuarisaanermit aammalu ullutsinni pisartunit / inuiaqatigiilerinermit sammisas-sanit nalunngisassanik piginnaasassanillu imaqarpoq.

Atuartsissutissami tamakkiisumik inuit, piffissami sumiiffinnilu, qanoq ilioriaasii ataatsimooqatigiittarnerilu sammineqarput atuartsissutissallu taamaattuunermigut atuartsissutissani atuartsissutissanilu qanitariissuni kulturi inuiaqatigiillu pillugit imarititaasut katersuuffigai.

Atuartsissutissap immikkukajaaq ittumik atuartsissutissat, upperisarsiorneq isumalioqqis-saernerlu aammalu atuartsissutissaq inuttut inerikkiartorneq oqaatsinillu atuartsissutissat kulturimut tunngasortai, attuumassuteqarfigai. Ilanngullugu teknologimi pinngortitamillu nunalerinerimi sammisassaasunut atassuteqarluinnarpoq.

Taamaattumik pissusissamisoortuussaaq atuartsineq tamakkununnga attuumassuteqartillugu atuartsissutissat akimorlugit ingerlatsisarneq atuartsinerimi atornerqartassappat, taamaaliornermi ataatsimut paasinninneq atuartsissutissallu ataasiakkaat imminnullu qanitariissut tunaartari-saannik isiginninnermik qimatsinnginnissaaq angujumallugu pigiinnarumallugulu.

## Ilikkagaqarniermi isiginnittaatsit suleriaatsillu

Inuiaqatigiilerinermi atuartitsissutissat siunertaasa pingaaruteqartut ilagaat, atuartut pitsaasumik imminnut isigisinnaalernissaminnut ineriartortitsisinnaanissaat sanarfininnaalernissaallu namminerlu kulturiminnut inuiaqatiminnullu tatiginartumik atassuserneqarnissaat, taamaattuuner-mikkut inunnik allanik, kulturinit inuiaqatigiinnillu allaneersunik, naapitsisarsinnaanissaat siunissaminnillu ammasuullutik imminnullu upperalutik ornigaqarsinnaalernissaat.

Inuiaqatigiilerineq nalunngisassanik pissarsiniarnerinnaangilaq aammali atuartitsissutissaa-voq, piginnaasassanik pingaaruteqartunik soorlu paasissutissanik katersinermik passussinermillu, tunngavilersukkamik nalilersuiner-nik, nammineerluni isummersornernik taamaaliornermilu inuiaqatigiit akornanni kingunilimmik isummersoqataanermik aalajangiiniaqataaner-nilu peqataa-nermik, siunertaqarlunilu imaqarluinnartoq.

Pereersunik nalunngisaqarneq aqutugalugu, inuit inooreersimasut maannakkullu inuusut ata-qatigiissinneqalersarput, taamatullu nalunngisaqarneq, maannakkut inuunerup paasineqarnissaa-nut siunissamilu inuiaqatigiit qanoq ittuunissaannik qanorlu ineriartortinneqarnissaannik kissaa-teqarluni isumaliuteqarnermi, sakkussaalluarpoq. Tamatumunnga ilaatillugu kulturit inuiaqati-giillu allat maannakkut piusut nalunngisaqarfiginissaat, inuit assigiissutaannut, assigiinngissu-taannut inuillu ataatsimut inooqatigiittarnerannut assigiinngitsunut paasinnikkiartornermi kiisalu immi-nut ilisimaariner-mut siunissamullu eqqarsarner-nut tunulequtaasinnaasutut, ingerlavissaa-luarlunilu sakkussaavoq.

Inuiaqatigiilerinermi suleriaatsit, inuiaqatigiinnut kulturimullu tunngasutigut qanoq iliuseqar-sinnaalernermik piginnaassuseqalernissamut, atuartunilu namminersorsinnaalerniarluni piginnaa-saqaleriartornissamut, aqutissatut inissisimapput. Ingerlaavartumik atuartut paasissutissanik katersinermikkut, aaqqissuiner-mikkut isummersuiner-mikkullu piginnaassutsitik, isummaminnik aaqqiisinnaanissaminnut tamannalu tunngavigalugu takussaasumik qanoq iliuseqarsinnaaler-nermikkut kinguneqartitsisinnaalernissaminnut sungiusaatigissavaat.

## Ilikkagassatut pilersaarutit ator-neqarnissaannut ilitsersuut

Ilikkagassatut pilersaarusiaq ammukaartunngorlugit sisamanut immikkoortiterlugu, ataani taku-neqarsinnaasutut, inississorneqarsimavoq

<i>Ilikkagassatut anguniagas-sat</i>	<i>Atuartitsinissamut siunner-suutit</i>	<i>Naliliinissamut siunner-suutit</i>	<i>Atortussatut siunnersuutit</i>
Imm. 1-imiit 5-imut		Imm. 1-imiit 5-imut	
Immikkoortumi uani atuar-titsissutissami pin-ningitsoorani ilikkagassatut anguniagassat immikkoor-tunut tallimangorlugit tulleriiaarneqassapput: <ul style="list-style-type: none"> <li>• Inuiaqatigiilerineq</li> <li>• Qanga maannalu kulturi inuiaqatigiillu</li> <li>• Naalakkersuinikkut, inat-siseqarnikkut eqqartuussi-veqarnikkullu aaqqissuus-saaneq</li> <li>• Aningaasaqarneq, inuus-sutissarsiorneq teknologilu</li> <li>• Silarsuatsinni avatangiisit</li> </ul>	Immikkoortumi uani atuar-titsinermi suliassaasinnaa-sunut, - ingerlatsinernut, -periaatsinullu siunnersuutit nalunaarsorneqassapput, taakkualu ilikkagassatut anguniagassanut ataasiak-kaanut ilikkagassatullu anguniagassanut immik-koortukkaartunut tunngatin-neqassapput. Siunnersuutit ilikkagassatut anguniagassat anguniarlugit qanoq inger-latsisoqarsinnaa-neranik assersuutaapput siunnersuu-taannaallutillu.	Immikkoortumi uani nal-i-liinissamut siunnersuutit, ammukaartumi siullermi, ilikkagassatut anguniagas-sat eqqartorneqartut tunn-gavigalugit suliarisassat, allatorneqassapput. Siunnersuutit ilikkagassatut anguniagassanik tunngave-qarluni qanoq naliliisoqar-tarnissaanik assersuutaap-put siunnersuutaannaalluti-lu.	Immikkoortumi uani ilin-niartitsinermi atortussatut siunnersuutinik allattuiso-qassaaq – tamatumani eqqarsaatigineqarput ator-tussat atuartunit ator-neqar-sinnaasut ilinniartitsisumil-lu ator-neqarsinnaasutut siunnersuutit. Siunnersuu-tit, atortussat sorliit suli-nermi ator-neqarsinnaaner-i-nik, ilitsersuutaannaapput.

## **Ilikkagassatut anguniagassat**

Ilikkagassatut anguniagassat, atuarfimmi atuartitsissutini atuartitsissutinilu qanitariissuni alloriarfiit siunertaat aamma atuartitsissutit siunertaat kiisalu ilikkagassatut anguniagassat pillugit Namminersornerullutik Oqartussat nalunaarutaanni nassaassaapput. Ilikkagassatut anguniagassat taamaalillutik, alloriarfiit atuartitsissutissallu anguniagassartaattulli Naalackersuisunit aalajangersagaapput taamaattuunermikkullu pinngitsoorani, nunalu tamakkerlugu, atuartitsinerup imarisasaanik assigiissaarissutaallutik.

Ilikkagassatut anguniagassat atuartitsinermi imarititassanut toqqartuinermi aallaaviussapput, taakkuuppullu atuartut atuartinneqarnerminni pissarsisarnerinik naliliinissamut tunngaviusussat.

Ilikkagassatut anguniagassat alloriarfinni ataasiakkaani naammassinninnermi piginnaasassat killiffissaattut nalunaarsorneqarsimapput oqaasertaliorneqarnerminnilu oqaaseqatigiit ukua siulliit naggataattut oqaasertalerneqarsimallutik: *Atuartut akullerni atuarnerminnik naammassinninneranni naatsorsuutigineqarpoq...*”.

Alloriarfinni pingasuusuni tamani ilikkagassatut anguniagassat tallimanut immikkoortinneqarsimapput ukuuppullu:

- Inuiaqatigiilerineq

Qanga maannakkullu kulturi inuiaqatigiillu

Naalackersuinikkut, inatsiseqarnikkut eqqartuussiveqarnikkullu aaqqissuussaaneq

Aningaasaqarneq, inuussutissarsiorneq teknologilu

Silarsuatsinni avatangiisit

Immikkoortortat immikkuualuttunut avissaartinneqarluinnarsimasutut immikkoortiterneqarsimanngillat atuartitsissutissarli pillugu ataatsimut isiginninnermi, assigiinngitsutigut isiginninnernik takutitsiniarnertut paasisariaqarlutik. Taamaalilluni immikkoortortat tullerriiarneqarneri atuartitsissutissami pingaarnersiunerminik, imaluunniit atuartitsissutissap atuartitsissutigineqarnissaani tullerriiaarinissamik isumaqartinneqanngillat. Ataatsimut isiginninneq atorlugu immikkoortortaniillu assigiinngitsunit ilikkagassatut anguniagassat ilanngussorlugit, ilinniartitsineq ingerlanneqartuassaaq.

Aamma immikkoortortat iluanni ilikkagassatut anguniagassat taamatut tullerriiaarneqarsimanerimamat paasineqassanngillat, taamatut tullerriiaarinermi atuartitsissummi pingaarnersiuisoqarsimasoq atuartitsissutissamiluunniit ajornarsiartuartaatsisoqarsimasoq. Ilinniartitsisup nammineerluni qinigassaraa, piffissami ingerlatsiviusumi atuartut pisariaqartitaat soqutigisaallu aallaavigalugit oqimaaqatigiissaarinissani tullerriiaarinissanilu.

### *Inuiaqatigiilerineq*

Immikkoortortami tassani ilikkagassatut anguniagassat atuartut, apeqqutinik ajornartorsiutinillu kulturimut inuiaqatigiinnullu tunngasunik, tigussaasumik suliaqarsinnaanerinit tunngasut katersorneqarsimapput. Atuartut apeqqutinik inuiaqatigiinni pisartunut tunngasunik takunnissinnaanerarat, nammineerlutik erseqqissaasiorsinnaanerarat oqaasinngortiterisinnaanerallu tamatumunngalu ilanngullugit paasissutissanik katersisinnaanerarat, nassuiaasinnaanerarat, nalilersuisinnaanerarat, misissueqqissaarsinnaanerarat paasissutissanillu saqqummiussisinnaanerarat kiisalu inuiaqatigiinni oqallinnermi isummersornermilu peqataasinnaanerarat tunngavileriartuuarneqassapput. Immikkoortortami tassani ilikkagassatut anguniagassat taamaalillutik, ilikkagassatut anguniagassat allat akulerunneqarlutik suliarineqarnissaanni, tunngaviusumik suleriaasissatut ilikkartinneqartussaapput.

### *Qanga maannalu kulturi inuiaqatigiillu*

Immikkoortortami tassani ataatsimut isiginninnikkut ilikkagassatut anguniagassat, inuuniarnermi atugassarisat allanngorartarnerinik ineriartortarnerinillu kiisalu kulturit inuiaqatigiillu aqqissu-gaunerisa pissutsimikkut piffissallu ingerlanerani allanngoriartortarnerinut tunngassuteqartut katersorneqarsimapput. Taamaalilluni immikkoortortami tassani immikkoortortani tulliuttuni ilikkagassatut anguniagassat sammineqartussat aamma ilanngunneqarsimapput.

### *Naalakkersuinikkut, inatsiseqarnikkut eqqartuussiveqarnikkullu aqqissuussaaneq*

Immikkoortortami tassani ilikkagassatut anguniagassat, erseqqissumik piffissani assigiinngitsuni nunarsuarmilu sumiiffinni assigiinngitsuni naalakkersuinikkut aqqissuussinernik aammalu inuiaqatigiinnik naalagaaffinnillu pilersitsinernik tunngassuteqartunik imaqartut katersorneqarsimapput.

### *Aningaasaqarneq, inuussutissarsiorneq teknologilu*

Immikkoortortami tassani ilikkagassatut anguniagassat, erseqqinnerusumik aningaasaqarnermut tunngasunik ingerlatseriaatsit inuutissarsiornermillu ilusilersuinerit tamakkualu sunik iluaquteqarluni ingerlanneqarnerinut tunngassuteqartut katersorneqarsimapput. Ilanngullugit ilikkagassatut anguniagassani eqqartorneqarput atassuteqaqatigiittarnerni periaasiusartut – tassanilu ilaatinneqarlutik ullutsinni takkorliuussiniartarnermi atortut paasisutissiisarnermilu periaatsit.

### *Silarsuatsinni avatangiisit*

Immikkoortortami tassani ilikkagassatut anguniagassat, nunarsuarmi pissutsinut alakkartigassanut inuiaqatigiillu assigiinngitsut nunarsuarmi qanoq siaruarsimaneramik nalunngisassanut ilisimasanullu tunngassuteqartut katersorneqarsimapput. Immikkoortortami tassani ilikkagassatut anguniagassanik suliaqarnermi, ilikkagassatut anguniagassat pinngortitamilu nunalerinermi ilikkagassatut anguniagassat, pinngortitalerinerup ataaniittut, sapinngisamik ataqatigiissaarneqarsimapput.

### **Atuartitsinissamut siunnersuutit**

Atuartitsinissamut siunnersuutini, atuartitsinermi periusaasinnaasut assigiinngitsut aamma suliarineqarsinnaasut ilaatigullu atuartitsinerup naammassillugu ingerlanneqarsinnaaneramik siunnersuutaasut allaaserineqarsimapput, siunnersuutillu tamakku, ilikkagassatut anguniagassat anguniarnerinermi sulinerim, atorneqarsinnaapput.

Ilikkagassatut anguniagassat ilinniartitsinermilu periusissat tamatigut illugiissitaanngillat. Ilikkagassatut anguniagassat ilaannut atuartitsinissamut siunnersuutit arlaqarput, ilaatigullu atuartitsinissamik siunnersuutit ataasiakkaat ilikkagassatut anguniagassanut arlaqartunut tunngatinneqarlutik. Atuartitsinissamut siunnersuummi immikkoortortat allat ilikkagassatut anguniagassartaannik atuisoqarsimappat, ilikkagassatut anguniagassat pineqartut equngasunik naqinnilerlugit ilikkagassatut anguniagassanut pineqartunut ilaatillugit allanneqarsimassapput immikkoortortanillu sorlernit pissarsiarineqarsimanerat nalunaarneqarsimassalluni.

Atuartitsinissamut siunnersuutaasut tamakkiisuunngillat, paasisariaqarlutilli atuartitsinerup qanoq aqqissorneqarsinnaaneramik assersuutitut isumassarsiorfiusinnaasutullu.

Siuliani oqaatigineqareersutut ilikkagassatut anguniagassani nalunaarsorneqarpoq atuartut alloriarfinnik naammassininnerminni nalunngisassanik piginnaasassanillu sorlernik pissarsiaqareersimanissaat. Atuartitsinissamut siunnersuutit tamakkiisumik alloriarfiit iluini atuartut ukioqassuassannut naapertuuttunngorlugit aqqissorneqarsimanngillat. Taamaattumik pisariaqarsinnaavoq,

atuarfiit ilinniartitsisullu ataasiakkaat atuartitsinermini ilikkagassatut anguniagassat aggulunerinik namminneq iluarsartuussisinnaasarnissaat, taamaaliornermikkut atuartitsinissami ingerlatsinissat atuartut ukiuinut pisariaqartitaannullu naapertuuttumik aaqqissorlugit ingerlassinnaajumallugit. Erseqqissarneqassaaq siunnersuutit missingersersuutaannaammata, taamaattumillu ilinniartitsisup nammineerluinnarluni misilittakkani naliliininilu tunngavigalugit nammineq suleriaasissani suleriaasissatut siunnersuutigineqartunit tigusiffigalugu, naleqqussarlugu, ilaartorlugu luunniit aaqqissorsinnaammagu suleriaasissanilluunniit allarluinnarnik taarsersinnaammagu.

### **Naliliinissamut siunnersuutit**

Naliliinermi periusissatut siunnersuutaasut atuartitsinermi periusissat assigalugit ilikkagassatut anguniagassat ilaannut tunngatitanik naliliinissamik siunnersuutinik arlaqartunik ilaqarput, ilaatigullu naliliinissamik siunnersuutit ataasiakkaat ilikkagassatut anguniagassanut arlaqartunut tunngatinneqarlutik ilusilersugaapput.

Naliliinissamut siunnersuutit ataatsimut isiginninnertut ilaatigut ilusilerneqarsimasinnaapput imaluunniit ilinniartitsissutissamut aalajangersimasumut ataatsimut/ aalajangersimasunulluunniit arlalinnut tunngatinneqarsinnaallutik. Tamatigullu ilikkagassatut anguniagassanut attuumassuteqarput.

Naliliinissamut siunnersuutit ilinniartitsinermi suleriaasissanut siunnersuutitulli missingersersuutaannaapput isumassarsiorfigineqarsinnaallutillu.

Naliliinissamik siunnersuusiata ilaat ilinniartitsisup sunik alaatsinaataqarnissaanik tullerriaarinikkut taakkartuinerupput, ilaalli annertunerusumik atuartut qanoq iliuseqartarnermikkut apequtinulluunniit akissuteqartarnermikkut il.il. nalunaartarnissaannik piumasaqaatitaqarlutik.

### **Atuartsinermi atortussatut siunnersuutit**

Atuartsinermi atortussatut nalunaarsorneqarsimasut ilinniartitsisunit atuartunillu atugassaapput.

Saqqummersinneqarsimasut kalaallisuut pisariaqartitat tamarmik ilanngunniarneqarsimapput. Tamatumunnga ilanngullugu erseqqissarneqassaaq atortussat toqqartorneqarnerini saqqummersitanik ataasiakkaanik pitsaassusilersuilluni nalilersuisoqarsimanngimmat. Atortussatut nalunaarsorneqarsimasut taamaalillutik atortussatut atorineqarsinnaasutut ilusilikkatut nalilerneqarsimapput, taamatullu nalunaarsuisimaneq saqqummersitap saqqummersitanut allanut naleqqiullugu pitsaaneruneranik naliliinerunngilaq.

Taamaattumik atortussatut nalunaarsorneqarsimasut tamakkiisutut isigineqassanngillat tamannalu tunngavigalugu atuarfiit ilinniartitsisullu kajumissaarneqarput ingerlaavartumik nammineerlutik atortussanik ujarlertaqqullugit, taamaaliornermikkut atuarfiup atuartsissutissatut atortussaatai nutarterneqartuaannartoqqullugit.

## **Tapiliussaq**

Ilikkagassatut pilersaarutip kingornani tapiliussaqaq una malinnaatinneqarpoq:

C1: Kalaallit Nunaata oqaluttuarisaanera pillugu atuakkiat.



# Alloriarfinni tamani pingasuusuni inuiaqatigiilerinermi ilikkagassatut anguniagassat

Atuartut <i>nukarlerni</i> atuarnermi nnik naammassinninneranni naatsorsuutigineqarpoq	Atuartut <i>akullerni</i> atuarnerminnik naammassinninneranni naatsorsuutigineqarpoq	Atuartut <i>angajullerni</i> atuarnerminnik naammassinninneranni naatsorsuutigineqarpoq
<b>Inuiaqatigiilerineq</b>		
<ul style="list-style-type: none"> <li>• inuiaqatigiinnikkut kultureqarnikkullu pissutsit maluginiarsinnaallugillu aper-suusersinnaassagaat</li> <li>• inuiaqatigiinni kulturinilu assigiinngitsuni ulluinnarni inuuniar-nikkullu atugassarititaasut pillugit eq-qarsaatersuuteqarsinnaallutillu piffissa-ni assigiinngitsuni atortunik tigussaasu-nik, assilissanik, naqita-nik allaaserisa-nik naannerusunik, qarasaasiakkut at-taveqaatini tusa-gassiiviit il.il., sammisa-qarlutik suliaqarsinnaassasut</li> <li>• saqqummersinneqartarlutik sanaar-torneqartuni piviusuusaartitat p iviusullu assigiinngissuteqarneri eqqumaffigissa-gaat</li> <li>• inuiaqatigiit kulturillu pillugit ili-simalikkatik misigisatillu oqalutta-riarsornikkut saqqummiussinnaal-lugillu eqqarsaatigilluakkamik er-sersitsinikkut oqaluttuarisinnaassagaat, soorlu assersuutinik takussutissiornik-kut, nipititikkatik katitikkanilluunniit assilialiornikkut, ilaagassiornikkut, isi-ginnaartitsissuteeraliornikkut, il.il.</li> <li>• silarsuarmi avatangiisitsinni ulluin-narnilu nalaatsortumik pisartunik pis-i-masunillu pingaaruteqartunik misigis-i-masaminnik oqaluttuarsin-naassasut</li> <li>• atuaqatigiinni atuarfimmilu ajornar-torsiutit ataatsimoorussat pillugit oqal-lissinnaassasut, aaqqiissutissanillu siunnersuuteqarlutillu misilii-sinnaassasut</li> </ul>	<ul style="list-style-type: none"> <li>• apeqqutit ajornartorsiutillu kulture-qarnerup inuiaqatigiinnerullu iluini pis-sutsinut tunngasut suussusii ataatsimut nassuiaasersorsinnaallugillu immik-koortinissaat ilikkar-simassagaat</li> <li>• paasissutissiiviit assigiinngitsut apeq-qutinik imaluunniit qulequtta-nik sam-misaqarnermi paasissutis-sarsiorfigalugit ujtartuiffigisinnaal-lugillu katersuiffigisinnaassagaat</li> <li>• paasissutissiisutigineqartut assi-giinngitsut tutsuiginassusiat atuut-tussaaitaassusaallu isumaliuter-suutigisinnaassagaat</li> <li>• apeqqutit ajornartorsiutillu pisariisut nassuiaatissartaat assigiinngitsut isuma-liutersuutigisinnaassagaat oqallisigalu-gillu</li> <li>• tusagassiinermi assigiinngitsunik ersersitseriaatsinik assigiinngitsunillu pissarsiarineqartunik iluarsar-tuussillutillu saqqummiisinnaassasut</li> <li>• najukkami nunallu tamalaat akornanni ajornartorsiutigineqartut pillugit ataat-simoorussamik misissuisinnaallutillu isummerfiginnissinnaassasut ajornar-torsiutillu aaq-qiissutissarsinissaanut pilersaarusioqataallutillu oqalliseqataa-sinnaassallutik</li> </ul>	<ul style="list-style-type: none"> <li>• inuiaqatigiinni kulturikkullu pissutsi-nut tunngatillugu apeqqutit nalingin-naasunullu tunngasut nam-minneerlutik ilusilersorsinnaassagaat, ersarissarlugit killilersorsinnaassagaat toqqartorsin-naassagaallu</li> <li>• nammineerlutik paasissutissanik, apeqqummut ajornartorsiummul-luunniit isummernerit assigiin-n gitsut qulaajaavigineqarnissaannut atugassa-nik toqqartuisinnaassasut, katersisin-naassasut aaqqiissuisin-naassasullu</li> <li>• apeqqummut ajornartorsiummul-luunniit tunngatillugu paasissutis-sanik pissarsiviit pingaernerit pi-gaanninnerillu tutsuiginassusiat nali-liivigisinnaallugillu sanilliussi-sinnaassagaat</li> <li>• apeqqummut ajornartorsiummul-luunniit tunngatillugu paasissutis-sanik katersorneqartunik misis-sueqqissaarsinnaassasut aamma nas-suiaataasinnaasunik nassuiaa-taasinnaasullu periarfissaannik assi-giinngitsunik oqallissinnaallu-tillu oqaasissiorsinnaassallutik</li> <li>• apeqqummut ajornartorsiummul-luunniit suliaqarnermi sammisamik inernerinik saqqummiisinnaassasut isummernerminnullu tunngavigisatik saqqummiussinnaassagaat, saqqum-meeriaatsillu assigiinngitsut atorlugit nassuiaasinnaassasut</li> <li>• nunagisami nunarsuarmilu ajornar-torsiutigineqartunik maannakkut soqu-tiginaatilinnik ataatsimoorus-samik misissuineramik ingerlatsinnaallutillu isummerfiginnissinnaassasut aamma ajornartorsiutigineqartut aaqqiissutis-saat pillugit oqallinnermut peqataanis-saq siunnerfigalugu pilersaarusiorsin-naassasut pilersaarusiaallu piviusunngor-tillugit ingerlatsisinnaassasut</li> </ul>

Atuartut <i>nukarlerni</i> atuarnermi nnik naammassinninneranni naatsorsuutigineqarpoq	Atuartut <i>akullerni</i> atuarnerminnik naammassinninneranni naatsorsuutigineqarpoq	Atuartut <i>angajullerni</i> atuarnerminnik naammassinninneranni naatsorsuutigineqarpoq
<b>Qanga maannalu kulturi inuiaqatigiillu</b>		
<ul style="list-style-type: none"> <li>• inuiaqatigiit akunnermini imminnut qanoq pisariaqarteqatigiinnerat pisariaqartitalu ataatsimoorussat naammassiniarlugit qanoq tapersueqataasarner-sut</li> <li>• Kalaallit Nunaanni najukkanilu ataasiakkaani inuiaqatigiit akornanni kultu-reqarnikkut assigiinnngiaarnerit malu-giniarsinnaassagaat</li> <li>• nunani allani meeqqat ulluinnarni inuunerat inuuniarnikkullu atugassari-saat ilisimasaqarfigissagaat</li> <li>• namminneq kinguaariit pinngorfimmik allattorsimaffii ilisimasaqarfigissagaat</li> <li>• qangaanerusoq najukkani ataasiakkaani inuiaqatigiit akornanni inuuniarnikkut atugassarititaasimasut ilisimasaqarfigis-sagaat, soorlu inuit utoqqalisut oqalut-tuussineri aqqutigalugit</li> <li>• najukkani oqaluttuarisaaneq ilisimas-sagaat, soorlu itsarnitsanik nalunaarsui-nerit aallaavigalugit</li> <li>• kalaallit itsaq oqaluasaarutaasa oqalut-tuatoqaataasalu inuusimaneq pillugu sutigut maanna inuunitsinnut oqalut-tuussinanaeraatigut eqqarsaatersorfigi-simassagaat</li> <li>• qanga nunani allani inuuniarnikkut ulluinnarnilu atugassarititaasimasut sammisaqarfigisimassagaat</li> </ul>	<ul style="list-style-type: none"> <li>• ullutsinni allat kulturiineersut kalaallit kulturiannut ilanngussimasut sunniutaat ilisimasaqarfigissagaat</li> <li>• inuiaqatigiit kulturikkut inuunertik pigiinnarumallugu inerisarumallugulu qanoq iliortarneri ilisimasaqarfigissagaat</li> <li>• inuit ataasiakkaat inuillu ataatsimoorul-lugit pisariaqartitaat naammassiniarlugit, inuiaqatigiinni sullissiviit nammi-nersortunit pisortanillu ingerlatat, sulini-aqatigiiffiit suliffeqarfiillu taperser-sueqataallutik qanoq pilersueqataasar-nersut ilisimasaqarfigissagaat</li> <li>• nunarsuarmi sumiiffinni assigiinnngitsuni ulluinnarni inuuneq, inuuniarnikkut atugarisat inuiaqatigiinnilu pissutsit assigiinnngitsut imminnut sanillius-sinnaassagaat, matumani ilanngullugit naggueqatigut inuit nunallu inoqqaavi allat</li> <li>• oqaluttuarisaanerup ineriartornerani pisimasunik tulleriinni lersuilluni piffis-salersuineri ataatsimut isiginnissin-naassasut suliarinnissinnaassasullu</li> <li>• Kalaallit Nunaata inuttaqassusiata kulturinillu siullerpaanit thulekulturi-mut qallunaatsiaanullu tunngasut pin-garnerusutigut ilisimasaqarfigissagaat</li> <li>• kulturinut inuiannullu allanut attaveqar-tarsimanerit siullit, arfanniaqarnerup nalaani, sunniutaat pingaarnerit ilisimasaqarfigissagaat</li> <li>• Kalaallit Nunaata 1721–miit nunasiaa-taalernerata oqaluttuarisaanerani pisi-masut nunasiaataalernerullu kulturimut inuiaqatigiinnullu sunniutai pingaarne-rit ilisimasaqarfigissagaat</li> <li>• qallunaatsiaaqarnerup nalaaniit ullu-mimut inuiaqatigiinnut Kalaallit Nu-naata attavigisarsimasaanut, kulturikkut inuuniarnikkullu atugassarititaasarsi-masut pillugit ilisimasaqassasut</li> <li>• nunarsuarmi sumiiffinni assigiinnngitsuni itsarsuaq kulturitoqqatigut inuiaqati-geeriaatsikkullu ineriartortitsisarsima-nerit assigiinnngitsut ilaat, assersuutigalugu Akullersuup imartaata eqqaani, Asiami, Afrikami imaluunniit Ameri-kami qiterlermi kujallermilu kulturitoq-qat siuarsimasuusimasut pillugit ilisi-masaqassasut</li> </ul>	<ul style="list-style-type: none"> <li>• kalaallisut kinaassuseqarneq kulture-qarnerlu pillugit paasinnittaatsit assi-giinnngitsut misissuiffigeqqissaarsin-naallugillu nalilersorsinnaassagaat</li> <li>• inuiaqatigiit kalaallit kalaallillu kultu-riata inuiaqatigiinni nunat tamalaat akornanni inissisimaffeqarnera paasis-aqarfigissagaat</li> <li>• inuiaqatigiit assigiinnngitsut kultureritk attatiinnarniarlugu ingerlateqqinniarlu-gulu qanoq iliuuseqartarnerisut aamma allannguutaasunut qanoq naleqqussar-tarnerisut ilisimaarissagaat</li> <li>• eqqumiitsuliornikkut ersersitat, qanoq kulturerisamik ersersitsisuusarnerisut ilisimasaqarfigissagaat</li> <li>• inuit ataasiakkaat pisariaqartitaat pisa-riaqartitalu ataatsimoorussat inuiaqati-giinni assigiinnngitsuni qanoq naammassiniarneqartarnerisut ilisimasaqarfigis-sagaat</li> <li>• inuiaqatigiit akornanni pisartut pingaa-rutillit qaqugukkulluunniit ineriartorne-rup ingerlanerata ilagisaatut paasinnis-sinnaassasut</li> <li>• 1850 –miit ullutsinnut Kalaallit Nu-naanni Qallunaallu Nunaanni kulturik-kut inuiaqatigiissutsikkullu ineriartor-simaneq ilisimasaqarfigissagaat</li> </ul>

Atuartut <i>nukarlerni</i> atuarnermi nnik naammassinninneranni naatsorsuuti-gineqarpoq	Atuartut <i>akullerni</i> atuarnerminnik naammassinninneranni naatsorsuuti-gineqarpoq	Atuartut <i>angajullerni</i> atuarnerminnik naammassinninneranni naatsorsuuti-gineqarpoq
<b>Naalakkersuinikkut, inatsiseqarnikkut eqqartuussiveqarnikkullu aaqqissuussaaneq</b>		
<ul style="list-style-type: none"> <li>• atuarfimmi najukkamilu pisussaaffitik piginnaatitaaffitillu ilisimassagaat</li> <li>• najukkani inuiaqatigiit suliffeqarfiutaat, atuarfiit siulersuisui, nunaqarfiit aqutsisui kommunalbestyrelsit peqatigiiffiillu ilisimasaqarfigissagaat, aamma atuartut ataatsimiitsitaliaat, taakkua suliassaata pisinnaatitaaffiillu ilisimasaqarfigissagaat</li> <li>• Kalaallit Nunaanni naalakkersuinikkut oqartussaaqatigiissuseqarneq maluginiarsinnaassagaat</li> </ul>	<ul style="list-style-type: none"> <li>• kommunalbestyrelsit, naalakkersuinut inatsisartunullu ilaasortat oqartussaaffii suliassaallu ilisimasaqarfigissagaat</li> <li>• Kalaallit Nunaata inatsiseqarnikkut inissisimaneq aqutugalugu naalagaafeqatigiiffiup ilagigaa paasisimassagaat</li> <li>• meeqqanut inuuniarnikkut atugassarिताasut p isinnaatitaaffiillu pillugit nunat tamalaat akornanni suleqatigiittoqarnera ilisimasaqarfigissagaat</li> <li>• ilaqtariinnerup inuiaqatigiinni aaqquisusseriaatsit atuunnera pillugu ilisimasaqassat</li> <li>• inuit qanga nunap inoqqaavisut ilaqtariittut inuiaqatigiittullu aaqqissuussanermikkut ilusilersugaanerat ilisimasaqarfigissagaat</li> <li>• qanga ullutsinnilu inuiaqatigiinnikkut aaqqissuusseriaatsit misissorsinnaallugillu imminnut sanilliussinnaassagaat</li> <li>• europamiut ilisimasassarsiorlutik angalasarsimanerini pisimasut pingaarutillit nunarsuullu immikkoortuini allani europamiut nunasiaateqarsimanerat pillugu ilisimasaqassat, tamatumunnga ilaapput Amerikap avannarliup nunasifigineqarsimanera</li> </ul>	<ul style="list-style-type: none"> <li>• Namminersornerulluni Oqartussaane-rup inatsisitigut tunngavii, matumani eqqartuussiveqarnermut nunanullu allanut politikkeqarnermut Namminersornerullutik Oqartussat pisinnaatitaaffii ilanngullugit ilisimasaqarfigissagaat</li> <li>• Kalaallit Nunaanni inatsisartuni qinik-kat amerlanerussuteqarneq tunngavigalugu oqartussaaqatigiinnermik qanoq ingerlatsinerat paasisimasaqarfigissagaat, aamma partiit aaqqissuussaasumillu soqutigisaqatigiiffiit naalakkersuinnermut Kalaallit Nunaannilu isumanik pilersitsisarnermut aalajangigas-sanillu aalajan gisarnermut taakkua qanoq sunniuteqartarnerut ilisimasaqarfigissagaat</li> <li>• nunat tamalaat akornanni suleqatigiinnermi Kalaallit Nunaata inissisimanera ilisimasaqarfigissagaat, tassunga ICC, Nunat Avannarliit Suleqatigiiffiat aamma FN ilanngullugit ilisimasaqarfigissagaat</li> <li>• nunat tamalaat akornanni naalakkersuutigoortumik suleqatigiinneq, tassunga FN, Nato, EU, Europarádi aamma Nunat Avannarliit Ataatsimiitsitaliaat ilanngullugit ilisimasaqarfigissagaat</li> <li>• nunat tamalaat akornanni, naalagaaffinnut pituttorsimangitsumik, inuit pisinnaatitaaffii, avatangiisit, il.il. soqutigisaqatigiiffiit suliniaqatigiiffii ilisimasaqarfigissagaat</li> <li>• Paarsisutoqqaniit Namminersornerulluni Oqartussaalerneq tikillugu naalakkersuinikkut aaqqissuussaasumik ineriartorsimanerup pisimasuisa pingaarnerusortaat ilisimasaqarfigissagaat</li> <li>• ukiut 1900-kkut aallartilaarneranniit silarsuarmi silamiut oqaluttuarisaaneranni pisimasut pingaarnerit, tassunga sorsunnersuit nunallu tamalaat akornanni akerleriissutaasimasut pingaarnerit ilanngullugit ilisimasaqarfigissagaat</li> <li>• nunarsuarmi tamarmi ineriartorerullu taassuma oqaluttuarisaanikkut qitiusu-mik pisimasui pingaarnerit ilanngullugit, naalakkersuinikkut aningaasarsior-nikkullu aaqqissueriaatsit ilusaasa assi-giinngitsut allanngoriartorfiumik ineriartorfiusimaneri pingaarnersiorlugit ilisimasaqarfigissagaat.</li> </ul>

Atuartut <i>nukarlerni</i> atuarnermi nnik naammassinninneranni naatsorsuutigineqarpoq	Atuartut <i>akullerni</i> atuarnerminnik naammassinninneranni naatsorsuutigineqarpoq	Atuartut <i>angajullerni</i> atuarnerminnik naammassinninneranni naatsorsuutigineqarpoq
<b>Aningaasaqarneq, inuussuti ssarsiorneq teknologilu</b>		
<ul style="list-style-type: none"> <li>• Kalaallit Nunaanni najukkamilu inuiaqatigiinni ingerlaatsit inuussutissarsiu-tillu assigiinngitsut ilisimasaqarfigissa-gaat</li> <li>• ulluinnarni inuuffigisaminni teknolo-giip tusagassiuutillu pingaarutaat eq-qumaffigissagaat</li> <li>• najukat ataasiakkaat, nunat ataasiak-kaat, nunarsuullu sinnerani inuiaat im-minnut pinngitsoorsinnaanatit ataqati-giinnerat, eqqumaffigissagaat</li> <li>• inuussutissarsioriaatsit teknologii llu akornanni qanga ullumikkullu assi-giinngissutsit ilisimasaqarfigissagaat</li> </ul>	<ul style="list-style-type: none"> <li>• Kalaallit Nunaanni tunisassiornermut inuussutissarsiornermullu tamatumunn-galu tunngatillugu pinngortitap tunnius-sinnaasaanik inuillu pilersitaannik pisa-riaqartitsineq ilisimasaqarfigissagaat</li> <li>• ullutsinni teknologiip aningaasarsior-nermut pingaarutaat ilisimasaqarfigissa-gaat, tamatumunnga assartuinikkut at-taveqaatitigullu aaqqissuussaaneq il-annullugit</li> <li>• tusagassiuutit inuit ulluinnarni inuun e-rannut sunniuteqarnerat, inuillu tusa-gassiuutinut qanoq sunniisarnerat ilisi-masaqarfigissagaat,</li> <li>• Kalaallit Nunaanni nunasiaanerup nalaaniit ullutsinnut inuussutissarsiuti-tigut teknologiillu tunngatitap ineriartorsimaneq ilisimasaqarfigissagaat</li> <li>• pinngortitap tunniussinnaasaanik inuillu pilersitaannik tunngaveqartunik, ta-matumunngalu tunngatillugu nunar-suarmi sumiiffinni assigiinngitsuni pif-fissanilu assigiinngitsuni inuussutissar-siornikkut tunisassiornikkullu ilusiler-sugaasimanerit ilisimasaqarfigissagaat</li> </ul>	<ul style="list-style-type: none"> <li>• Kalaallit Nunaanni aningaasarsiornik-kut tunngaviit pingaarutillit ilisimas-a-qarfigissagaat, tassunga Kalaallit Nu-naanni tunisassiarineqartut nunallu niueqatigineqartut pingamerit ilaapput</li> <li>• teknologiikkut ineriartorerup naalak-kersuinermit, inuiaqatigiinnermut aningaasarsiornikkullu aaqqissuussa-a-sumik ilusilersugaanermit sunniuteqar-nera ilisimasaqarfigissagaat</li> <li>• nunarsuarmi aningaasarsiornikkut ullutsinnilu aaqqissuariaatsit assigiinn-gitsut atuuttut ilisimasaqarfigissagaat, tassunga nunat pisuut piitsullu aggu-a-taarisimaneri ilaapput</li> <li>• nunarsuaq tamaat isigalugu inuiaqatigiit siullerpaat aallarnerfigalugit ullutsinnut sanaartornikkut tunisassiornikkut inuussutissarsiornikkullu ilusilersue-riaatsit ineriartortitaas imanerisa killiffii assigiinngitsut pingarnerit ilisimas-a-qarfigissagaat</li> </ul>
<b>Silarsuatsinni avatangiisit</b>		
<ul style="list-style-type: none"> <li>• najukkami avatangiiserisanilu qa-ninnerpaani sammivissiorsinnaas-sasut</li> <li>• najugaqarfigisat avatangiiserisat, atuarfik eqqaalu nalunaatsunngu-a-nik nunap assingatut titartaganngor-lugu suliarisinnaassagaat</li> <li>• namminneq nunaqarfimmik, illo-qarfimmik kommuneqarfimmik Kalaallit Nunaata assingani su-miinersut aamma Kalaallit Nunaat nunarsuup assingani imaluunniit globusimi sumiinersoq takutissin-naassagaat</li> <li>• inuuffigisami inuup pinngortitallu pilersitaannik avatangiisit assigiinn-gissuteqarnerat eqqumaffigissagaat.</li> </ul>	<ul style="list-style-type: none"> <li>• Kalaallit Nunaata nunarsuullu 'nunap assingi' ilutsit assigiinngitsut ilisimallugillu atorsinnaassagaat</li> <li>• Kalaallit Nunaanni kommuneqar-fiit, illoqarfiit nunaqarfiillu annerit sumiinneri ilikkarsimassagaat</li> <li>• nunarsuup assingani sumiissutsit, imarpissuit nunarsuullu immik-koortortaasa sumiinneri, qaqqaqar-fissuit kuussuaqarfiillu aamma nu-nap immikkoortui nunallu sumi inissisimaneri ilisimassagaat</li> <li>• Kalaallit Nunaanni aamma nunar-suarmi sumiiffinni allani inuit na-jugaanni assigiinngitsuni pinngorti-tap inuillu namminneq pilersitaan-nik tunngaveqartut akornanni ata-qatigiissutsit paasisaqarfigissagaat</li> <li>• inuiaqatigiit avatangiisiminnik qanoq sunniisarnersut aamma nam-minneq avatangiisiminnit sunnigaa-sarnersut paasisimasaqarfigissagaat</li> </ul>	<ul style="list-style-type: none"> <li>• nunarsuup assingani qularnaatsu-mik ilisimasaqarlutillu atuisinnaas-sasut</li> <li>• aningaasarsiornerup inuussutissar-siornerullu ukiuni 20. – 21. århund-rede-kkunni Kalaallit Nunaanni nunassiororsimanermit sunniute-qarsimaneq paasisimasaqarfigissa-gaat</li> <li>• ukiuni 20. – 21. århundrede-kkunni nunarsuarmi sumiiffinni assigiinn-gitsuni inuiaqatigeeriaatsini assi-giinngitsuni tamatumunngalu tunngatillugu nunassiororsimanerup ineriartorfusimaneq tunngaviusim-asullu ilisimasaqarfigissagaat, tassunga illoqarfissuarmi inuiaqati-giinnerup pinngoriartors imanerit ilaapput</li> <li>• nunani ataasiakkaani nunarsuarmilu tamarmi, inuussutissarsioriaatsit tunisassioriaatsillu assigiinngitsut, kulturit inooriaatsillu pinngortitami avatangiisinik assigiinngitsumik sunniuteqartarsimaneri ilisimasa-qarfigissagaat</li> </ul>

# ***Inuiaqatigiilerinermi ilikkagassatut pilersaarutit***



*B: Ilikkagassatut anguniagassat aamma atuartitsinissamut,  
naliliinissamut atuartitsinermilu atortussatut siunnersuutit*

<b>Inuiaqatigiilerineq</b>	
<b>Ilikkagassatut anguniagassat</b>	<b>Atuartitsinissamat siunnersuutit</b>
<ul style="list-style-type: none"> <li>• apeqquutit ajornartorsiu-tillu kultureqarnerup inuiaqatiginnerullu iluini pissutsinut tunngasut suussusii ataatsimut nassuiaasersorsinnaallugillu immikkoortinnissaat ilikkarsimassagaat</li> </ul>	<ul style="list-style-type: none"> <li>• Qulequttamik nutaamik suliaqalersilluni piareersarnermi atuartut namminersortillugit apeqquutinik ajornartorsiu-tillu ersersinniagassanik tunngavilersuisillugillu nassaartortikkitt. Atuartunut ilikkagassatut anguniagassaq ataaseq ilikkagassatulluunniit anguniagassat arlallit saqqummiullugillu nassuiaateqartigikkitt eqimattakkaartillugillu ilikkagassatut anguniagassanut ataasiakkaanut qulequtarineqarsinnaasunik tunngavilersukkanik saqqummiussuisikkitt. Atuartut saqqummiussinnginnerini atuakkanik atormiartarfimmi Internettimiluunniit isummassarsiornissaannut periarfissikkitt.</li> </ul>
<ul style="list-style-type: none"> <li>• paasissutissiiviit assigiinngitsut peqquutinik imaluunniit qulequttanik sammisaqarnermi paasissutissarsiorfigalugit ujartuiffigisinnaallugillu katersuiffigisinnaasagaat</li> </ul>	<p>Alloriarfimmi atuartitsinermut atatillugu paasissutissarsiorfissaniit assigiinngitsuniit paasissutissanik ujarlernerumut katersinermullu sungiusarneq ilinniartitsinermut ilaatinneqassapput. <i>Assersuutit tigussaasut takukkit immikkoortumi Qanga maannalu kulturi inuiaqatigiillu.</i></p>
<ul style="list-style-type: none"> <li>• paasissutissiissutigin eqartut assigiinngitsut tutsuiginassusiat atuuttusaatitaassusaallu isumaliutersuutigisinnaasagaat</li> </ul>	<p>Alloriarfimmi atuartitsinermi paasissutissarsiorfiit assigiinngitsut paasissutissanik saqqummiussaasa tutsuiginassusaannik naliliiniartarnerumut sungiusarneq ilinniartitsinermut ilaatinneqassapput. <i>Assersuutit tigussaasut takukkit immikkoortumi Qanga maannalu kulturi inuiaqatigiillu.</i></p>
<ul style="list-style-type: none"> <li>• apeqquutit ajornartorsiu-tillu pisariitsut nassuiaatissartaat assigiinngitsut isumaliutersuuti gisinnaasagaat oqallisigalugillu</li> </ul>	<p>Apeqquutit ajornartorsiu-tillu assigiinngitsunik nassuiaateqartinneqartut / isiginneriaaseqartinneqartut sammineqartillugit atuartut ingerlaavartumik qinnuvigisakkitt nalilersoqqullugu oqaatigeqqullugulu nassuiaat/isiginneriaaseq sorleq namminneq eqqortuujunnarsorineraat / uppernarnerusorineraat.</p> <ul style="list-style-type: none"> <li>• Atuartut eqimattanut marlunnet agguaatikkitt eqimattallu tamaasa atortussanik, apeqquummut isiginnittaatsimulluunniit aalajangersimasumut, assigiinngitsunik nassuiaatinik tunngavilersuutitalinnik ersersitsinilluunniit tunikkitt, (assersuutigalugu biologit aalisartut piniartullu, piniakkap aalisakkalluunniit aalajangersimasup qanoq annertutigisumik piniarneqarsinnaaneranut aalisarneqarsinnaaneranulluunniit isiginninneri naliliinerilu assigiinngitsut). Eqimattat tamarmik immikkut namminneq suliaassaminni tunniunneqartuni nassuiaatinik isiginnittaatsiniluunniit tunngavilersuutaasunik taakkunungalu namminneq isummaminnik tulle-riiarinikkut allattukkaminik eqimattanut allanik isumalinnik suliaqartunut saqqummiisikkitt. Naggataatigut atuartut ataasiakkaartillugit nassuiaammut isummamulluunniit upperi-manerusaminnet pingasunik tunngavissiorfillugit saqqummiisikkitt.</li> </ul>
<ul style="list-style-type: none"> <li>• tusagassiinermi assigiinngitsunik ersersitseriaatsinik assigiinngitsunillu pissarsiarineqartunik iluarsartuussillutillu saqqummiisinnaasasut</li> </ul>	<ul style="list-style-type: none"> <li>• Atuartut ataasiakkaartillugit eqimattakkaartillugilluunniit qulequttamat suliarineqartumut tunngavilersuutissat katersatik aaqqissorlissigitt atuaqatiminnullu tamakkuninnga saqqummiilik – paasissutissat suuneri tunngavigalugit makkua atortoralugit saqqummiussisoqarsinnaavoq <ul style="list-style-type: none"> <li>- nammineq assiliartalersukkat pisariaqarpat allatanik nassuiaatitallit</li> <li>- nivinnagassiat/assilissanik katitikkat katersukkalluunniit namminersuutigisanik assiliartalersukkat, kisitsisit tunngavigalugit takussutissiat allatanik nassuiaatitallit</li> <li>- assingusuliaaqqat 3 dimensional-iusut</li> <li>- pisunik pisimasunilluunniit isiginnaagassiat</li> <li>- oqaluttariarsornikkut saqqummiussat atortussianik takuneqarsinnaasunik tapertaqartinneqartut</li> <li>- allakkatigut nalunaarusiat assitalersukkat.</li> </ul> </li> </ul> <p>Allattariarsorluni suliani assiliartalersuinermilu il.il. IT atorlugu sakkussarineqarsinnaasut soorlu allakkiorfiit, titartaaviit kisitsiviillu pisariaqartitat atorneqarsinnaapput.</p>

<b>Inuiaqatigiilerineq</b>	
<b>Naliliinissamut siunnersuutit</b>	<b>Atortussatut siunnersuutit</b>
<ul style="list-style-type: none"> <li>• Maluginiaruk atuartut apeqqummut ajornartorsiummulluunniit pisariaqartunik apeqqusersuisinnaanersut. Eqimattat saqqummiinerini apeqquteqarfigineqassapput qanoq iliornikkut apeqqutip/ajornartorsiutip nagguui tikinniarsimaneraat sinaakkusersorsimaneraallu ajornartorsiummillu/apeqqummik sinaakkusersuiniartarnerup siunertai oqallisigineqassapput.</li> </ul>	
<p>Alloriarfiup ingerlanerani atuartut tunngavilersuutissaminnik ujarlerfii ujarlersinnaassusaallu nalilersortuarneqassapput. <i>Assersuutit tigussaasut takukkit immikkoortumi Qanga maannalu kulturi inuiaqatigiillu.</i></p>	
<p>Alloriarfiup ingerlanerani atuartut tunngavigisat assigiinngitsut naleqasusiannik uppernassusiannullu apeqqusersuisinnaassusiat nalilersortuarneqassaaq. <i>Assersuutit tigussaasut takukkit immikkoortumi Qanga maannalu kulturi inuiaqatigiillu.</i></p>	
<ul style="list-style-type: none"> <li>• Maluginiaruk atuartut nassuiaatinik isiginnittaatsinillu assigiinngitsunik suliaqarnerminni eqqarsaatersuuteqarnerminnilu <ul style="list-style-type: none"> <li>- nassuiaatit isiginnittaatsillu assigiinngitsut assigiinngissutaannik anertunerusutigut oqaatiginnissinnaanersut,</li> <li>- nassuiaatit isiginnittaatsillu assigiinngitsut paasisinnaaneraat pisariaqarpallu namminersuutigalugu tamakkununga tunngasunik nassuiaatinik isummanillu saqqummiussuisinnaanersut</li> <li>- nammineq isummersornissaminnut piunassuseqarnerusut tunngavigisatullu pingaarnerutitaminnik oqaatiginnissinnaanersut.</li> </ul> </li> </ul>	
<ul style="list-style-type: none"> <li>• Maluginiaruk atuartut paasisutinik immikkoortiterinerminni saqqummiussuinerminnilu paasinartuliorsinnaanersut saqqummiussinermilu atortussat siunertamut tunngassuteqartut pitsaanerpaat toqqartorsinnaaneraat.</li> </ul>	<p>Scheuer, Carsten: "Avisiliorta". Atuakkiorkfik Ilinniusiorfik, 1998.  <i>Atuagaq aviisiliornermut ilitsersuutaavoq imari-saasali ilaat nalunaarusianik allakkiornermi assigisaannilluunniit sanaartornermi isumassarsiorfiusinnaapput assiliartalersuutaasinnaasorta qarlutillu.</i></p>

Ilikkagassatut anguniagassat	Atuartitsinissamat siunnersuutit
<ul style="list-style-type: none"> <li>• <b>najukkami nunallu tamalaat akornanni ajornartorsiutigineqartut pillugit ataatsimoorussamik misissuisinnaallutillu isummerfinginnissinnaassasut ajornartorsiutillu aaqqiisuttissarsinissaanut piler-saarusioqataallutillu oqalliseqataasinnaassalutik</b></li> </ul>	<ul style="list-style-type: none"> <li>• Atuartut peqatigalugit ajornartorsiummik pisumik soqutiginaatilimmik toqqaagitsi. Atuartut pisoq taanna pillugu paasissutissanik katersitikkik – soorlu tusagassiuutiniit, apersuineriniit piareersariikkaniit, Nettimiit assigisaanniillu – nalilersorsiullu paasissutissiisut it uppernas-susii ilumuussusiilu. Taamaalioreerpata eqimattakkaartillugit siunnersuusiortikkik ajornar-torsiummik qanoq ililluni qaangiiniartoqarsinnaanersoq siunnersuutaallu atuaqataannut saq-qummiussortikkik. Atuaqatigiinni siunnersuutini pitsaaqutaasinnaasut pitsaanngequtaasin-naasullu oqallisigineqarnerini aqutsigit atuartullu ataatsimoorullugu isumaqatigiissutigisin-naasaannik siunnersuummik aalajangersaasikkik. Naggataatigut atuartut siunnersuumminnik qanoq iliornikkut saqqummiussinissaannut, soorlu atuartartut allakkiornikkut imaluunniit sumiiffimmi nuna tamakkerlugu aviisimut saqqummertartumut allagaqaateqarsinnaanerini, sumiiffimmi radiomut KNR-imulluunniit saaffiginnissinnaanerini, qitiusumik pisortanut namminersortunut naalagaaffimmiluunniit taamaattunut, Nettimi oqallissinnaanermik piler-sitsiniarnermut il.il. piareersartikkik piviusunngortitsisillugillu. Tamatumunnga atatillugu atuartut taamaaliormerminni sumut saaffiginnikkunik angusaqarnerpaasinnaanerannik oqal-liseqartikkik oqallisigitigullu atuartut saaffiginnissumminnut qanoq qisuariarfigineqarsin-naanerminnut akissuteqarfigi-neqarsinnaanerminnullu naliliisinnaanerat.</li> </ul>



<b>Naliliinissamut siunnersuutit</b>	<b>Atortussatut siunnersuutit</b>
<ul style="list-style-type: none"><li>• Oqallinnermi siunnersuummut tunngasut pitsaaqutit pitsaanngequtillu allattorsigit maluginiarullu atuartut pitsaaqutit pitsaanngequtillu paasilluarsimaneraat.</li></ul>	

<b>Qanga maannalu kulturi inuiaqatigiillu</b>	
<b>Ilikkagassatut anguniagassat</b>	<b>Atuartitsinissamat siunnersuutit</b>
<ul style="list-style-type: none"> <li>• <b>ullutsinni allat kulturi ineesut kalaallit kulturiannut ilanngussimasut sunniutaat ilisimasaqarfigis-sagaat</b></li> </ul>	<ul style="list-style-type: none"> <li>• Atuartullu kulturip sunarpiaanera oqaloqatigiissutigisiuk. Kulturi isumaqarpa inuussutissarsiorneq, nerisartakkat, meeqqanut perorsaariaaneq, atisat, oqaatsit aamma/imaluunniit eqqumiitsulioriaasitoqqat? Atuartut kulturip suuneranut siunnersuutaannik saqqummiussuisikit siunnersuutaallu allattarfissuarmut allattukkit. Atuaqatigiit tallimanik arfinilinnilluunniit inuttalersukkanik eqimattakkaartikkat siunnersuutaasullu eqimattat amerlassusii naapertorlugit agguataarlugit. Eqimattat tamarmik apeqquutit agguanneqartut suliarilisigit, soorlu atisaqameq, inuussutissarsiorneq aamma oqaatsit apeqquutillu makkua apeqquutigortukkit: <ul style="list-style-type: none"> <li>- Maannakkut kulturit atuuttut allat atisaqarnerput, inuussutissarsutigit oqaatsigullu qanoq ilaartorlugillu kimissimatigivaat?</li> <li>- Kulturit tamakku suuppat?</li> <li>- Tamakkua ilaartuutaasut kimitsissutaasullu pitsaasuuppat imaluunniit pitsaanngitsuuppat?</li> <li>- Sunniunnerit tamakku qanoq iliornikkut pilersarpat?</li> </ul> Eqimattani suliaqareermermi eqimattat suliaminnik saqqummiussuissapput eqimattallu tamarmik saqqummeereermermi eqimattat suliaat oqallisigineqassapput oqallinnermilu avataaniit kalaallit kulturiannik sunniinerit pitsaassusaannut pitsaanngissusaannullu isummat ersersinniarneqarlutillu pingaarnerutinneqassapput. </li> </ul>
<ul style="list-style-type: none"> <li>• <b>inuiaqatigiit kulturikkut inuunertik pigiinnarumallugu inerisarumallugu qanoq iliortarneri ilisimasaqarfigis-sagaat</b></li> </ul>	<ul style="list-style-type: none"> <li>• Siuliani atuartitsinissamat siunnersuutaasut kulturip soorpiaanerani atuartut oqaloqatigalugit atuartitsineq aallanneruk. Immikkoortut eqqartorneqartut iluini kalaallit kulturiannut ilisarnaatit siunnersuuteqarfigilisigit atuartullu siunnersuutaat allattarfissuarmut allattukkit. Siunnersuutit tamaasa oqallisigitikkat assersuutigalugu makkua apeqquutigisarlugit: <ul style="list-style-type: none"> <li>- Ullumikkut qanoq atisalersortarpugut?</li> <li>- Atisani atukkatsinni kalaallit atisaat immikkuullarissutut akuusut qanoq iliorluta ineriartortillugillu pigiinnarsimavagut?</li> <li>- Ullunnarni sunik nerisaqartarpugut?</li> <li>- Nipilersuutit suut tusarnaartarpugut?</li> <li>- Qanoq iliorpugut kalaallit nereriaasii kalaallillu nipilersuutaat ineriartortinniarlugit pigiinnarniarlugillu?</li> <li>- Kalaallit kulturianni sunik avataaniit pissarsiarisimasatsinnik peqarpa siulittali kalaallit kulturiattut isigilersimasaannik, soorlu assersuutigalugit kalattuut, illut qisuit kristumius-suserlu?</li> </ul> Namminerisamik kulturerisap pigiinnarneqarnissaata ineriartortinneqarnissaatalu pingaaruteqassusianik ataatsimut oqallinnermik suliaq naammassisiuk. </li> <li>• Assersuutigalugu Thailandimiit filmimik atuartut isiginnaaqatigikkat tassanilu isiginnaarsiuk kulturitoqqap kulturillu nutaap ataatsikkut ingerlaqatigiissinnaanerat. Atuartut qinnuigikkat sutigit thailandimiut kulturiat ineriartorsimanersoq tikkuartueqqullugit aammalu tikkuartuisikkat thailandimiut kulturitoqat sutigit pigiinnarneqarsimanersoq. Thailandimiut kulturiat ullunnarnilu inuunerat pillugit nalunngilikyasi aallaavigalugit ataatsimoorlusi naggataarutigalugu oqalligitsi kulturip ineriartortinneqarnissaata pigiinnarneqarnissaatalu pingaassusii pillugit.</li> </ul>

**Qanga maannalu kulturi inuiaqatigiillu**

Naliliinissamat siunnersuutit	Atortussatut siunnersuutit
<ul style="list-style-type: none"> <li>• Maluginiaruk atuartut paasisimaneeraat kulturi suunersoq ingammillu kalaallit kulturiat suunersoq maluginiarullu atuartut nalunnginneraat ilisimaaralugulu ullumikkut kulturi allat sutigut kalaallit kulturiannut tunniussaqaqsimallutilu kimitsisimanersut. Atuaqatigiinni naggataarutaasumik oqallinnermi apeqqutit imaattut saqqummiussukkit:             <ul style="list-style-type: none"> <li>- Sooq kalaallit oqaasiisa, atisalersoriaasiata il.il. kulturinit allanit kiminneqarnerat pitsaasuaa / pitsaanngitsuaa?</li> <li>- Kiminneqarneq taamaattoq pinngitsoorneqarsinnaava?</li> <li>- Kulturit allat tunniussisarnerat kimitsisarnerallu ornignartuaa? Sooq? Sooq orniginartuunngila?</li> </ul> </li> </ul>	
<ul style="list-style-type: none"> <li>• Maluginiaruk atuartut piujuaannartitsinertut ineriartortitsinertullu takusinnaaneraat kammit kimmikkaallu ullumikkut atisatta ilagimmatigit, sapanngiorneq kalaallisuuni ineriartortitanilu allani nutaasuni atugaammata, nipilersuutit kalaallisuut nutaanerit qilaatersornermik akoorneqartarmata il.il..</li> <li>• Maluginiaruk atuartut paasinninnerminnik takutitaqarnerisut nammineq kulturereisap piginnarniarneqarnerata ineriartortinneqarneratalu ajoqutaannut, pitsaaqutaannut pisaariaqartuutitaannullu. Imaattunik apeqquteqarit:             <ul style="list-style-type: none"> <li>- Sutigut nammineq kulturitoqap piginnarniarneqarnissaa pingaarnerpaatippisiuk? Suna pissutigalugu?</li> <li>- Sutigut nammineq kulturitoqap ineriartortinneqarnissaa pingaarnerpaatippisiuk? Suna pissutigalugu?</li> </ul> </li> <li>• Kulturereisap piginnarneqarnissaanut periutsinik atuartut tulleriarillutik nalunaarsuilik, soorlu oqaasitoqqat ilinriarneqarnerisigut, pissusitoqqat ullullu pingaartitat atuut-sinnerisigut. Atuartut angerlarsimaffiminniit kulturimut ersiutaasunik suusinnaasunik nassartikkat imaluunniit ilaqqutamik kulturimik piginnagaqarumallutik qanoq iliuse-risartagaannik oqaluttuartikkat.</li> </ul>	<p>Søgaard, Kristian: "LAKOTA et indiansk folk på den amerikanske prærie". Sarsuatitassiat, båndi ilinniartitsisumullu ilitersuut atuartut suliassaannik assilisassartalik. Atuakkiorfik 1995.</p> <p>May, Robin: "Eqqillit Amerikkap Avannaani narsaannarsuarmit". Atuakkiorfik 1992.</p> <p>Holder, Robyn: "Australiami nunap inoqqaavi". Atuakkiorfik 1992.</p> <p>Pilersuiffimmi ataatsimoorluni katersuiffiup allatsitsivissataa: 42.0 - 46.6, 47.1 - 48.9 og 59.5 - 59.6 kiisalu 98.53 aamma 98.7</p>

Ilikkagassatut anguniagassat	Atuartitsinissamat siunnersuutit
<p><b>• inuit ataasiakkaat inuillu ataatsimoorullugit pisariaqartitaat naammassiniarlugit, inuiaqatiginni sullissiviit namminersortunit pisortanillu ingerlatat, suliniaqatigiiffiit suliffeqarfiillu tapersersueqataallutik qanoq pilersueqataasarnersut ilisimasaqarfigi ssagaat</b></p>	<p>Ilikkagassatut anguniagassap matumap alloriarfiup naammassingajalerneqarnerani aatsaat atuartitsissutigineqarmissaa inassutigineqarpoq.</p> <ul style="list-style-type: none"> <li>• Atuartitsineq aallartiguk pisortat namminersortullu suliffeqarfiutaasa, suliniaqatigiiffiisa suliffiutaasalu tunngaviusumik assigiinngissutaannik nassuiaateqarlutit. Allattarfissuaq marlunnik allattuiviusinnaangorlugu titaruk. Immikkoortumi siullermi allattukkit pisortat suliffeqarfiutaat, suliniaqatigiiffiutaat suliffiutaallu soorlu ulluklut meeqqanik paaqqinnittarfiit, inunnik ikiorsiinermi suliffeqarfiit, atuarfiit, atuakkanik atorniartarfiit, oqaluffiit peqqinnisaqarfik Qaqiffillu. Atuartut oqaluttuutikkut ulluinnarni akeqanngitsutut tamakku misigisari-gut, kisiannili akileraarutitigut akiliiffigisarigut. Suliffeqarfiit ilaannut atuisutut akiliuteqar-tarpugut, soorlu ulluklut paaqqinnittarfiit eqqarsaatigalugit aammalu pisortat timersortarfiu-taanni timersortarnitsinni akiliuteqartarnitsigut. Allattarfissuup illuatungaani allatorneqas-sapput namminersortut suliffeqarfiutaat, suliniaqatigiiffiutaat suliffiutaallu (tamatumunnga ilanngullugit Namminersornerullutik Oqartussat pigisaat tamakkiisumik ilaannakortumil-luunniit niuertutut namminersortutut ingerlatinneqartut) soorlu Air Greenland, KNI, Nuummi atuarfissaq namminersortoq, suliffissuit sannaviillu aammalu AA. Suliffeqarfiit tamakku pillugit akileraarutitigut akiliuteqarneq ajorpugut ingerlaannartumillu tamakku sullissinerannut tunisassiaannullu akiliisarluta, taamaallaat AA suliniaqatigiiffiillu assigisai pinnagit tamakkuami piumassutsiminnik suliumasunik ingerlanneqartarmata imaluunniit atorfeqartitanik sulisoqartinneqartanngimmata (imminnut ingerlattut). Ataatsimoorlusi oqa-loqatigiissutigisigut suliffeqarfiit, suliniaqatigiiffiit sulliviillu taajorneqartut namminersortut pisortanillu ingerlanneqartut qanoq iliornermikkut sutigullu atuunnermikkut inuit ataasiak-kaat inuiaqatigiillu pisariaqartitaannik naammassisaqartarnersut. Atuartut eqqartukkat ataa-siakkaat pineqarnerini isumaannik aperisakkit inuit ataasiakkaat, inuiaqatigiit, taakku ta-maasa arlarinngisaasaluunniit pisariaqartitaannik sullissisarnerisut qinnuigikkillu isummatik tunngavilersussagaat, sooq qanorlu.</li> </ul>

Naliliinissamut siunnersuutit	Atortussatut siunnersuutit
<ul style="list-style-type: none"> <li>• Maluginiaruk atuartut namminersortut pisortallu suliffeqarfiutaasa inunnut ataasiakkaanut inuiaqatigiinnullu tamanut pingaarutaannik paasinnillutillu ilisimaarisaqarlersimansut. Maluginiaruk oqaloqatigiinnerni akissutiminni suliffeqarfiit assigiinngitsut kikkunnet sunalu pissutigalugu pisariaqassusaannik isornartorsiuisumik apeqqusiisarnersut. Naggataarutaasumik apeqquteqarfigikkit: Suliffeqarfiit sulliviillu tamakkua ilaat pinngitsoorsinnaavagut? Sooq? Sooq pinngitsoorsinnaanngilagut?</li> <li>• Atuartut eqimattakkaartillugit suliffeqarfinnut sullivinnullu namminersortunut pisortanillu pigineqartunut toqqakkanut pulaarnissaminut pilersaarusiortikkit; sulisut apeqqutinik isumaqatigiissutaareersunik suliaat pillugit apersoneqas-sapput, taamaalioreerpatalu imminnut saqqummiisikkit.</li> </ul>	

Ilikgassatut anguniagassat	Atuartitsinissamat siunnersuutit
<ul style="list-style-type: none"> <li>• <b>nunarsuarmi sumiiffinni assigiinngitsuni ulluinarni inuuneq, inuuniarnikkut atugarisat inuiaqatigiinnilu pissutsit assigiinngitsut imminnut sanilliusinnaasagaat, matumani ilann-gullugit naggueqatigut inuit nunallu inoqqaavi allat</b></li> <li>• <i>paasissutissiiviit assigiinngitsut apeqqutinik imaluunniit qulequttanik sammisaqarnermi paasissutissarsiorfigalugit ujar-tuiffigisinnaallugillu katersuiffigisinnaassagaat (Inuiaqatigiilerinermit)</i></li> </ul>	<p>Inassutigineqarpoq atuartitsineq alloriarfiup qiteqqunnerata nalaani atuartitsissutissat akimorlugit projektitit imaluunniit aalajangeriikkamik qulequtaqarluni ingerlatassatut pilersaarusiorneqassasoq soorlu upperisalerinermik isumalioqqissaarnermi llua aamma oqaatsinik atuartitsissutit suleqatigalugit.</p> <ul style="list-style-type: none"> <li>• Atuartitsissutissat akimorlugit projekti imaluunniit aalajangeriikkamik qulequtaqarluni ingerlanniagaq una, atuartut peqatigalugit, aallartiguk oqariartaatsit " inuit inuiaqatigiit " aamma "nunap inoqqaavi", "inuuniarnermi atugassarititaasut" aamma "inuiaqatigiinni pissutsit" erseqqissumik paasinarsarlugit. Atuartitsilluni aallarniutaasumut taamaattumut naammaginarumik sivissusilligut, oqariartaatsimmi tamakkua atuartunit sammineqartuurtussaammata annertunerujartuinnartumillu paasiartuaarneqartussaammata. Atuaqatigiit immikkoortoqatigiilluunniit eqimattakkaartikkut sapinngisamillu nunarsuup ilaanik imaluunniit nunamik/-nik aalajangersimasumik/-nik suliariumasaannik toqqaasikkut namminerluunniit suliassikkut. Atuaqqanik allaatigisanillu atuaqqanik atorniartarfimmi, net-timi ujarlerfinnilu allani atuartut atugassaminik naleqquttunik ujarlernerini aammalu filmi-nik nalinginnaasunik piviusunillu tunngaveqartunik pissarsiniarnerini ikiukkit. Eqimattakkaat qinnuigikkut misissugassat isumaqatigiissutigeriikkat iluini (soorlu inigisat assigiinngit-sut, ilinniartitaaneq, inuussutissarsuit, upperisaq (-sat) il.il.) nunarsuup immikkoortuani nunamiluunniit tassani toqqaqqaminni suliassiussutigineqartumiluunniit ulluinarni inu-nermi, inuuniarnikkut atugassarititaasuni inuiaqatigiinnilu pissutsit misissoqullugit, qin-nuigikkillu sulinerminni misissukkatik <i>Kalaallit Nunaanni</i> pissutsinut sanilliuttassagaat. Eqimattakkaani sulereerpata eqimattat atuaqat aannut titartakkat, assit, filmit imaluunniit suusinnaasut allat atorlugit saqqummiussitikkut; saqqummiussinerminni pissutsit kalaallini pissusiusunut assingusinnaasut erseqqissassavaat aammalu pissutsit allaanerisutut isigisatik taakkartussallugit.</li> <li>• Eqimattat saqqummiussereernerini immikkoortoqatigiit atuaqatigiilluunniit kingumut eqi-mattanut nutaanut agguateqqinneqassapput eqimattat siullit inuttaat akuleriissillugit mak-kualu apeqqutit suliarineqassapput: saqqummiussinerit tusakkagut tunngavigalugit nunar-suup immikkoortuani assigiinngitsuni nunanilu assigiinngitsuni suliarineqartut taakkua iluini suut assigiissutaappat suullu immikkoortuappat? Taamatut isumaqarnitsinnut suut tunngav-ilersuutigisinnaavagut? Atuartut tamakkuninnga qanoq akissuteqarsinnaatiginerat naatsor-suutigalugu eqimattat qinnuvigineqassapput pissutsit taamaannerannut tunngaviusinnaasu-nik siunnersuuteqaqqullugit. Eqimattat sulereerpata angusaannik atuaqatigiit sinnerinut saqqummiissinneqassapput atortut namminneq qinikkatik iluaqutsiullugit assersuussisarlutillu immikkoortuasaunik taakkar-tuissallutik. Naggataatigut ataatsimoorullugu eqimattat saqqummiussaata oqallisigineqassap-put.</li> </ul>

Naliliinissamat siunnersuutit	Atortussatut siunnersuutit
<ul style="list-style-type: none"> <li>• Maluginiaruk atuartut nassuiaatinik assigiinngitsunik paa-sinnissimanersut, ingammik oqariartaatsip ”inuuniarnikkut atugassarititaasut” nassuiaataat akuerisaasoq. Imaattunik apequteqartarit: <ul style="list-style-type: none"> <li>- Inunnut inuuniarnikkut atugassarititaasut pitsaasut pitsaanngitsulluunniit suosoraagit?</li> <li>- Inuuniarnikkut atugassarititaasut pitsaasutut nassuiarneqartut naapertorlugit inuugaanni taava assigiinnarnerlugu atugarissaartut / pitsaasumik inuuneqartutut oqaatigineqarutta? Sooq taamaappa/-nngila?</li> </ul> </li> <li>• Maluginiaruk atuartut nunarsuup immikkoortuisa nunallu assigiinngitsut akornanni tamakkunani lu inuiaqatigiinni, inuuniarnikkut atugassarititaasuni ulluinnarnilu inuunermi assigiissutaasunik assigiinngissutaasunillu takunnissinnaanersut. Aperiit: <ul style="list-style-type: none"> <li>- Kikkut inuiaqatigiinni inuuniarnikkut atugassarititaasut pilersittarpaat?</li> <li>- Inuiaqatigiinni qanoq ittuniluunniit pissutsit atugarineqartut kikkut akisussaaffigaat?</li> <li>- Uagut illilluunniit pissutsit taamaattut pigiinnarumallugit allanngortikkumallugilluunniit qanoq iliuseqarsinnaavugut?</li> <li>- Taamaaliorniarnitsini/taamaaliorniarninni suut akornuser-suutaasinnaappat?</li> </ul> </li> <li>• <i>Maluginiaruk atuartut paasissutissarsiorfinnik tulluurtunik suliarisamat paasissutissarsiorfusorinartunik namminneerlutik siunnersuuteqarsinnaanersut. Sianigiuk atuartut paasissutissarsiffiusinnaasunik anguneqarsinnaasunik atuisinnaalernersut – atuakkat paasissutissarsiorfiit imarisaat indeks-iilu ujarluiffigalugit atorsinnaanerat, qupperaasinnaanersut, atuakkanik atormiartarfimmi ujarlerfinnik/database-nik atuisinnaanersut, Nettimi ujarlersinnaanersut aammalu aviisini paasissutissarsiorsinnaanersut, aammalu radio-p fjernsynillut aallakaatitassaanik ujarlersinnaanersut.</i></li> </ul>	<p>Tom Døllner allallu: ”GO 1-5”. Nunalerutunik atuakkiat ataqatigiissut suliassartallit ilinniartitsisumullu ilitsersuutitalit. Atuakkiorfik 1993 - 1995. <i>Atuakkiat taakkua ataqatigiissut naqiteqqinneqartussaann-gillat.</i></p> <p>May, Robin: ”Eqqillit Amerikkap Avannaani narsaannarsuarmit”. Atuakkiorfik 1992.</p> <p>Holder, Robyn: ”Australiami nunap inoqqaavi”. Atuakkiorfik 1992.</p> <p>”Vi i Norden”. Video-t tullerriaat atuartunut atuagassartallit. Danmarks Radio aamma Atuakkiorfik Ilinniarsiorfik 1995. <i>Video-t tullerriaat aamma klasseset-itut Pilersuiffiup ataatsimut katersuiffianiit atorniarneqarsinnaapput.</i></p> <p>Pilersuiffiup ataatsimut katersuiffiata allatsitsivissaataa: 30.2, 42.0 - 46.6, 47.1 - 48.9 aamma 59.5 - 59.6 kiisalu 98.53.</p> <p>Qallunaat atuartitsissutissanik naqiterititsiviata nittartagaani <a href="http://www.fui.dk">www.fui.dk</a> –mi atuartitsinermi atortussat naleqquttut nasaarineqarsinnaapput. Atortussat t amakkua amerlanersaat Pilersuiffiup paasissutissiisarfianiit alakkartigassatut atorniarneqarsinnaapput.</p>

Ilikkagassatut anguniagassat	Atuartitsinissamut siunnersuutit
<ul style="list-style-type: none"> <li>• <b>oqaluttuarisaanerup ineriartornerani pisimasunik tulleriinnilersuilluni piffissalersuinermit ataatsimut isiginnissinnaassasut suliarinnissinnaassasullu</b></li> </ul>	<p>Alloriarfimmi oqaluttuarisaanermit tunngassuteqartunik atuartitsinerni tamani pisimasunik tulleriinnilersuilluni piffissalersuinermit suliaqarneq ingerlanneqartassaaq.</p> <ul style="list-style-type: none"> <li>• Pappiaramik amitsumik assigisaanilluunniit takisuumik amitsumik titarnilimmik nivinngaavissiamut nivinngaagit. Atuartut peqatigalugit ukiut tuusintilikaartut hundrede-kkaartullu nalunaarsorsigit. Apequtigiuk suna tunngavigalugu uagut piffissamik nalunaarsuisarnerput ingerlattarneripput. Atuartut peqatigalugit piffissat kristusip inunngornerata siornagut kingornagullu pisimasut immikkoortillugit aajalangersimasumik nalunaarsukkit. Qangarsuaq uagullu piffissalersuinita nalaani pisimasunik assersuutit taasagarit, soorlu Independence 1 aamma qallunaatsiaqarnerup nalaani atuartunullu piffissat taakku piffissalersuummut nalunaarsokkukkit. Piffissalersuut tigusariaannaatiguk oqaluttuarisaanermit piffissaq nutaaq tikinneqaraangat taanna piffissalersuummut nalunaarsortaruk.</li> </ul>
<ul style="list-style-type: none"> <li>• <b>Kalaallit Nunaata inutaqassusiata kulturinillu siullerpaanit thulekulturi qallunaatsiaanullu tunngasut pingaarnerusutigit ilisimasaqarfigissagaat</b></li> <li>• <b>kulturinut inuiannullu allanut attaveqartarsimanerit siullit, arfanuaqarnerup nalaani, sunniutaat pingaarnerit ilisimasaqarfigissagaat</b></li> <li>• <b>Kalaallit Nunaata 1721-miit nunasiaataalernerata oqaluttuarisaanerani pisimasut nunasiaataalernerullu kulturimut inuiaqatigiinnullu sunniutai pingaarnerit ilisimasaqarfigissagaat</b></li> <li>• <b>Qallunaatsiaqarnerup nalaaniit ullumimut inuiaqatigiinnut Kalaallit Nunaata attavigarsimasaanut, kulturikkut inuuniarnikkullu atugasarititaasarsimasut pillugit ilisimasaqassasut</b></li> <li>• <i>nunap inoqqaavis ilaqutariittut inuiaqatigiittullu aaqqissuussaanermikkut ilusilersugaanerit ilisimasaqarfigissagaat (Naalakkersuinnikkut, inatsiseqarinnikkut eqqartuussiveqarinnikkullu aaqqissuussaanermit)</i></li> <li>• <i>paasisutissiisutiginerartut assigiinngitsut tutsiginassusiat atuuttussaati-taassusaallu isumaliutersuutigisinnaassagaat (Inuiaqatigiilerinermit)</i></li> </ul>	<ul style="list-style-type: none"> <li>• Alloriarfiup ingerlanera tamakkerlugu ukiunik tulleriiaarinikkut kulturit oqaluttuarisaanermit pisimasut makku atuartitsissutigikkut: <ul style="list-style-type: none"> <li>- Qangarsuaq kulturiusimasut (Independence 1, Saqqaq, Independence 2, Dorset)</li> <li>- Qallunaatsiaat aamma vikingit nalaani aammalu Nunani Avannarlerni ukiut akullit.</li> <li>- Atassuteqarnerup pisimasortai siullit ukiuni 1500-kunniit 1700-kunniit Danmarkimilu inuiaqatigiinnut taakkunungalu inuunermi atugasarititaasut piffissami taassumani aammalu Europami nunani allani taamatut aamma piffissami taassumani.</li> <li>- Nunasiaaneq Hans Egede (1721) nalaaniit ukiut 1950-ikkut tikillugit piffissamilu taassumani Danmarkimi nunarsuarmilu allami inuiaqatigiinni assigiinngitsuni inuunermi atugasarititaasut.</li> </ul> </li> </ul> <p>Sammisassat aalajangersarneqassapput atuartut suleqatigalugit aalajangersaanermilu pingartinneqassapput kulturini tamakkunanilu inuiaqatigiinnermi apequtit pingaruteqarnerusut aammalu kalaallit kulturit qallunaatsiaqarsimanerup nalaaniit ullumikkum kulturinit europameersunit qanoq kiminneqarsimanera.</p> <p>Sulineq ingerlanneqassaaq ilinniartitsisup oqaluttuarneri, filmernerit bändinik tusarnaanerit assigisaallu atortoralugit taamaalioreernermilu atugaqarigiit eqimattakkaaqatigiilluunniit oqalitsinneqartassapput taamaaliorniartarnermilu atuartut namminersortillugit allakkianik assinik paasisassarsiorfissanillu allanik itisilerisillugit suliaqartinneqaaqartassapput.</p>



Naliliinissamat siunnersuutit	Atortussatut siunnersuutit
<ul style="list-style-type: none"> <li>• Oqaluttuarisaanermut tunngassuteqartunik atuartitsinerni atuartut pisimasunik tulleriinnilersuil-luni piffissalersuineri atuartitsissutigineqartup ukiortaani imaluunniit piffissamik aalajangersimasumik oqaluttuarineqartup piffigisaanik nalunaarsuisinneqartassapput.</li> </ul>	
<ul style="list-style-type: none"> <li>• Maluginiaruk atuartut <ul style="list-style-type: none"> <li>- oqaluttuarisaanerup ingerlanerani ukiunik tullerriarariniq tunngavigalugu ataatsimut isiginnissinnaassuseqalernersut</li> <li>- paasisimaneeraat pisimasut assigiingitsut piffissap ingerlanerani imminnut ataqatigiissut pine-rini oqaluttuarisaanerummat ineriartornertalik paasisimaneeraat oqaluttuarisaanermi ineriartorne-rup ullutsinni inuiaqatigiit kingunerigaat</li> <li>- <i>eqqarsaatersuutigisimaneeraat paasisassar-siorfittut suliarisaminut tunngavigissallugit ilumuussuseqarnerat atorsinnaassuseqarneral-lu.</i></li> </ul> </li> <li>• Allariarfiup naammassilernerani piffissat eqqar-torneqartut suliarineqareernerani atuartut soquti-ginninnertik tunngavigalugu eqimattanut agguar-neqassapput. Eqimattat aalajangersariikkamik anguniagas saqarlutik suliasaminik piareersaa-teqarlutillu suliaqassapput piffissarlu aalajanger-simasooq sammineqassaaq – Qallunaatsiat, Thu-lekulturi il.il. – suliaqareerunillu suliatik atuaqa-timinnut saqqummiutissavaat. Eqimattat nammineerlutik qanoq ilusilersukka-mik saqqummiussissallutik aalajangersassavaat eqimattalli tamarmik qulequtaq suliarit tunnga-vigalugu apeqqutinik aalajangersariikkamik soor-lu makkuningga suliarit aqutugalugu akisaqar-riissapput: <ul style="list-style-type: none"> <li>- Inuit tamakku sumingnaanerpap?</li> <li>- Atortulersornikkut kulturiat qanoq ittuusimava – inuussutissarsiutaat, atisaat, illui il.il.?</li> <li>- Tarnikkut kulturiat qanoq ittuusimava – eqqu-miitsulioriaasiat, nipilersoriaasiat, oqaluttuaat oqalualaavilu aamma upperisaat?</li> <li>- <i>Inuiaqatigiittut ilaqutariissutsimikkullu aaqqis-sorneqarnerat qanoq ittuusimava?</i></li> <li>- Piffissaq toqqarneqartoq ullumikkut kulturit-sinnut inuiaqatigiinnitsinnullu qanoq sunniute-qarsimava?</li> </ul> </li> </ul>	<p><i>Ilinniartitsisumut</i> Kalaallit Nunaata oqaluttuarisaanera pillugu atuagassanik nalunaarsuut oqaaseqaasersugaq takuuk, Tapiliut C 1.</p> <p><i>Atuartunut</i> Lidegaard, Mads og Stærmose, Chr.: ”Kalaallit Nunaata oqaluttuari-saanera 1 - 4”. Ministeriet for Grønland 1979.</p> <p>”Ukioq 2000-imut ikaarsaalerpugut” / ”Nytårskalender 2000”, 1-12:31. Video. KNR, 1999. Pilersuiffik, ataatsimut katersugaateqarfik.</p> <p>”Ukioq 2000-imut ikaarsaalerpugut” / ”Nytårskalender 2000”, 13-24/31. Video. KNR, 1999. Pilersuiffik, ataatsimut katersugaateqarfik.</p> <p>Lidegaard, Mads og Stærmose, Chr.: ”Silamiut oqaluttuarisaanerat 1500-miit 1800-mut”. Pilersuiffik 1980.</p> <p>Kalaallit Nunaata inoqaleriartornera / Grønlands indvandringshistorie, Pilersuiffik/DR, 1980. Bånd. Pilersuiffik, ataatsimut katersugaateqarfik.</p> <p>Petersen, Palle: ”Historien om grønlønderne”. Sarsuatitassiat atuartu-nullu atuagaq. Klasesætti. DR 1983. Pilersuiffik, ataatsimut katersu-gaateqarfik.</p> <p>Gynther, Bent og Meldgård, Jørgen: ”Kalaallit Nunaanni itsarsuup nalaq - immikkoortut tallimat - 5 kapitler af Grønlands forhistorie”. Ilinniartitsisumut ilitsersuutitalik qanganit-sanillu nassaaniq ilaarseqqissaarluni sanaartorsimasanik katersugaatita-lik. Atuakkiorfik Ilinniusiorfik, 1996.</p> <p>Taaguuserpaallu ”Grønland”-imik. Video. DR/KNR tv. 1994.</p> <p>Aidt, Leif og Karlsdóttir, Jóhanna: ”Leif Eriksson - Leif Iluanaarajooq angalaqatigalugu” / ”Leif Eriksson - på togt med Leif den Lykkelige” (kalaallisooq qallunaatoorlu). Atuakkiorfik Ilinniusiorfik, 2000.</p> <p>Aidt, Leif og Karlsdóttir, Jóhanna: ”Leif Eriksson - Leif Iluanaarajooq angalaqatigalugu”, atuagaq suliasartalik / ”Leif Eriksson - på togt med Leif den Lykkelige”, værkstedsbog (kalaallisooq qallunaatoorlu). Atuakkiorfik Ilinniusiorfik, 2000.</p> <p>Humble, Richard: ”Leif den Lykkelige”. Klasesætsit. Álykke, 1991. Pilersuiffimmi ataatsimut katersugaateqarfik.</p> <p>Pilersuiffiup ataatsimut katersugaateqarfiata allatsitsivissaataa: 90., 91.155, 91.6, 95.2 aamma 96.1 (vikingit nalaat ukiullu akulliit nalaat). Qallunaat atuartitsissutissanik naqiterititsiviata nittartagaani <a href="http://www.fui.dk">www.fui.dk</a> –mi atuartitsinermi atortussat Nunat Avannarliit silar-suarmiullu allat oqaluttuarisaanerannut tunngassuteqartut meeqqallu ukiuinut assigiingitsunut naleqqussakkat nassaarinqarsinnaapput. Atortussat tamakkua amerlanersaat Pilersuiffiup paasisutissiisarfianit alakkartigassatut atorniarneqarsinnaapput.</p>

Ilikgassatut anguniagassat	Atuartitsinissamut siunnersuutit
<p>• <b>nunarsuarmi sumiiffinni assigiinngitsuni itsarsuaq kulturitoqqatigut inuiaqatigeeriaatsikkullu ineriartortitsisarsimane-rit assigiinngitsut ilaat, assersuutigalugu Akul-lersuup imartaata eqqaani, Asiami, Afrikami imaluunniit Amerikami qiterlarmi kujallermilu kulturitoqqat siuarsimasuusimasut pillugit ilisimasaqassasut</b></p>	<p>Inassutigineqassaaq atuartitsinerup aalajangersimasumik qulequttamik sammisaqarnikkut aalajangeriikkamillu anguniagaqarluni sulinikkut ingerlanneqarnissaa pisariaqarpat upperisalerinermi isumalioqqissaarnermilu atuartitsineq aammalu qallunaatut atuartitsineq tuluttullu atuartitsineq suleqatigalugit.</p> <p>• Qulequttanik sammineqartussanik atuartut eqqaaqqaagaannik allattuinnikkut siunnersuuteqartitsigit. Siunnersuutit tamaasa allattukkit. Atuartut aperikkut sammisassamut, nunamut imaluunniit nunarsuup ilaanut tunngasunik sunik nalunngisaqareersut, soorlu Grækenlandi: Akropolis aamma isumalioqqissaartartut nalunnginneqartut. Eqimattakkaartillugit piffissaqartilluarlugillu qulequttanik toqqarumasaannik toqqaasikkut. Taamaalioreernermi eqimattat namminersorlutik ilinniartitsisullu ”siunnersortitut” atorlugit suliaqassapput. Atuakkanik allaatigisanillu atuakkanik atorniartarfinniit, Nettimi ujarlerfinnilu allani atuagassanik atorneqarsinnaasunik kiisalu piviusuusaartitanik piviusunillu assinik videonillu ujarlernerini ikiorsigit. Eqimattat tamarmik aalajangersimasumik anguniagaqarlutik suliaqartinneqassapput suliarlu aallarniuserneqassaaq nunap/nunarsuup ilaata aalajangersimasup toqqarneqarsimaneranut tunngavilersuutinik aallarniinerlu aamma imaqartinneqassaaq tamatumunnga tunngatillugu suliaqarnermi aallartilersinnani nalunngeriikkanik ilaqartinneqassaarlu suna paasiumaneqarnermoq / paasinarumaneqarnerlorluunniit. Suliaq naggaserneqassaaq naatsumik eqimattami sulisimanerup oqaluttuarineqarneranik nalunaarsorneqassappullu paasiumasat paasineqarsimanersut taamaattoqanngippallu sooq paasineqarsimannginnersut. Suliaq atuaqatinut ilinniartitsisunullu agguassassanngorlugu assilior-terneqassaaq. Eqimattat eqimattat allat suliaannik atuarnissamut suliallu pillugit apeqqtis- sanik piareersaanissamik suliaassinneqassapput.</p>

Naliliinissamat siunnersuutit	Atortussatut siunnersuutit
<ul style="list-style-type: none"> <li>Eqimattat tamarmik suliatik atuaqatiminnut ilinniartitsisunullu saqqummiutissavaat. Saqqummiussinerup ilusissaa namminersuutigalugu aaqjissuutissavaat soorlu isiginnaartitsinikkut, nivinnagassiatigut, titartakkatigut aammalu sanaatigut piviusuusaartitatigut. Saqqummiussereernerup kingorna eqimattat atuaqatiniit ilinniartitsisuniillu itisilerutitut apeqqutaasunik akiortuisinneqassapput.</li> </ul>	<p>Lidegaard, Mads og Stærmose, Chr.: ”Silamiut oqaluttuari-saanerat - Akullersuup nunartai ukiuni itsarnitsani”. Pilersuiffik, 1980.</p> <p>”Inka-kulturer og andre kulturer i det gamle Peru”. Sarsuati-tassiat. Pilersuffik, ataatsimut katersugaateqarfik. Pilersuiffiup ataatsimut katersugaateqarfiata allatsitsivissaa-taa: 91.1. - 91.47.</p> <p>Qallunaat atuartsissutissanik naqiteritsiviata nittartagaani <a href="http://www.fui.dk">www.fui.dk</a> -mi atuartsinermi atortussat nunarsuarmi sumiiffinni assigiinngitsuni qanqarsuarnitsanut tunngassute-qartut meeqqallu ukiuinut assigiinngitsunut naleqqussakkat nassaarineqarsinnaapput. Atortussat tamakkua amerlanersaat Pilersuiffiup paasissutissiisarfianiit alakkartigassatut ator-niarneqarsinnaapput.</p> <p>Danmarkimi Katersugaasivissuup nittartagaa: <a href="http://www.natmus.dk">www.natmus.dk</a></p>

Naalakkersuinikkut, inatsiseqarnikkut eqqartuussiveqarnikkullu aaqqissuussaaneq	
Ilikkagassatut anguniagassat	Atuartitsinissamat siunnersuutit
<ul style="list-style-type: none"> <li>• <b>kommunalbestyrelsit, naalakkersuisunut inatsisartunullu ilaasortat oqartussaaffii suliassaalu ilisimasaqarfigissa-gaat</b></li> </ul>	<ul style="list-style-type: none"> <li>• Atuartut sumiiffimmi nunalu tamakkerlugu aqunneqarnerup nalunaarsorneqarfianik saqqummiivigikkat. Atuartut oqaluttuutikkat inatsisartut nunami oqartussaasutut qullersatut inatsisinik peqqussutinillu aalajangersaasartuunerinik tamakkualu atorlugit inatsisartut ”nunarput aqukkaat” inatsisiliatillu aqputigalugit suliassaqarfinni assigiinngitsuni pingaartitasanik isummersuutissanillu aalajangersaasartuusut, soorlu assersuutigalugu atuarfeqarfiup siunertatut aalajangersagartaatigut. Tamatuma kingorna naalakkersuisut taputartuutit aalajangersagassanik aalajangersaasartuupput taamaaliornerminnilu nalunaarutinik, kaajallaasitanik ilitersuutinillu sanaartortartuullutik. Nalunaarutit peqqussutit inatsisitullu maligasaapput. Kaajallaasitat ilitersuutillu inunnut peqqussutinik nalunaarutinillu atuutitsiniartussaasunut ilitersuutitut sanaartorneqartarput. Kommunalbestyrelsit kommunimi aqutsinermut maleruagassanik sanasarput inatsisartullu suliani kommuninut aalajangersagassatut suliassatullu aalajangersagaannik aalajangersaasartuusussaallutik.</li> </ul>
<ul style="list-style-type: none"> <li>• <b>Kalaallit Nunaata inatsiseqarnikkut inissisimaneq aqputigalugu naalagaaffeqatigiiffiup ilagi-gaa paasisimassagaat</b></li> </ul>	<ul style="list-style-type: none"> <li>• Atuartut assersuutigalugu atuarfeqarnek pillugu inatsimmik piginnaatitsissummik oqaluttuutikkat aammalu pillaasarneq pillugu immikkut inatsisiliorsimanermik oqaluttuutikkat. Atuartut oqaluttuutikkat atuarfeqarnek pillugu inatsit piginnaatitsissut qanoq isumaqarnersoq: qallunaat inatsisartuisa aalajangersimagaat Kalaallit Nunaanni pinngitsoorani atuartussaataitaneq taamaallaat ukiumi qulingiluanu sivilissuseqassasoq aammalu oqaluttuutikkat ukiumi taakkunani qulingiluanu atuartussaataitanerup imarisassai nunatta inatsisartuisa naalakkersuisuisalu namminneerlutik aalajangersarsinnaagaat, taamaattorli imarisassaasa ilaat aalajangereerneqarsimasut, tassami atuarfimmi inaarutaasumik misilitsitarnertit nunatsinni ilinniarnertuunngorniarnertit isissutaasinnaasariaqarmata ilinniarnertuunngorniarnertit taakkua sulii Danmarkimi Undervisningsministeriamit ”akisussaaffigineqarmata”.</li> </ul>
<ul style="list-style-type: none"> <li>• <b>meeqqanut inuuniarnikkut atugassarifitaasut pisinnaatitaaffiillu pillugit nunat tamalaat akornanni suleqatigiittoqarnera ilisimasaqarfigissa-gaat</b></li> </ul>	<p>Qulequtaq inuttut ineriikkartornermi (sumiginnagaaneq aamma imminut upperineq) aamma upperisalerinermi isumalioqqissaarnermilu (pissuserissaarnissaq) atuartitsinerit suleqatigalugit aalajangersimasumik qulequtaqarluni projekt-itulluunniit suliassatsialaavoq.</p> <ul style="list-style-type: none"> <li>• Atuartut apersukkit nunani allani meeqqanik sulisoqartarnermut nalunnisaannik. Apersukkit nunami maani meeqqat inuusuttullu qanoq akissarsiaqarlutik akissarsiaqaratillu sulisarnermikkut inuiaqatigiit aningaasarsiornerannut ikorfartuutaasarnersut. Oqallisigisiuk meeqqat inuusuttuaqallu sulisarnertat naapertuuttuunersooq naapertuuttuunnginnorsorluunniit nassuiarsiuullu sooq. Atuartut FN-ip meeqqat piginnaatitaaffii pillugit aalajangersagaanik oqaluttuutikkat (takukkit Atortussatut siunnersuutit tamatumunnga tunngassuteqartut) tamatumalu kingorna nunanit assigiinngitsuniit, meeqqat assigiinngitsutigut sulisinneqartarnerinik, meeqqat aqqusiniinnarmi inuusut inuunermi atugassarisaannik aamma meeqqat sakkutuujutinneqartartut pillugit filmiliasarsimasut isiginnaartikkat.</li> </ul> <p>Atuartut eqimattakkaartillugit suliaqartikkat eqimattallu filmit takutinneqarsimasut arlaannik tunngaveqartillugit suliaqartikkat. Qinnuigikkat FN-ip meeqqat piginnaatitaaffii pillugit aalajangersagai tunngavigalugit makkua apeqqutit akissuteqarfigeqqullugit: Meeqqat taakkua sunik piginnaatitaaffeqarsoraasigit piginnaatitaaffiillu suut amigaataasoraasigit? Meeqqat taakkua tungaannut (inuttut) inuiaqatigiit isiginninnerat qanoq ituusoraasiuk? Takorloor-sinnaavisiuk meeqqat tamakkua qanoq (imminni) misigisimanersut? Qanoq iliortoqarsinnaava meeqqat piginnaatitaaffii pitsanngorsarniarlugit piginnaatitaaffiillu tamakkua illersorniarlugit?</p> <p>Eqimattakkaat suliaminnik saqqummiisikkat oqallisigisigillu meeqqat piginnaatitaaffii pillugit pitsanngorsaataasinnaasunut siunnersuutaasut.</p>
<ul style="list-style-type: none"> <li>• <b>ilaqutariinnerup inuiaqatigiinni aaqqissuussariaatsit atunnera pillugu ilisimasaqassat</b></li> </ul>	<ul style="list-style-type: none"> <li>• Ilaqutariit inuiaqatigiinnut inunnullu ataasiakkaanut ikorfartuutit sooq pingaaruteqarnerisut atuartut tamalaanik siunnersuuteqarfigilissuk; tassa sulisussanik pilersitsiortorfiusutut taamaattuunermikkullu inuit ataasiakkaat tunngaviumik pisariaqartitaannik – qasuersaarnermik, nerinermik, qitorninermik, kinguaassiuutitigut atoqatigiittarnermik, sunngiffimmik inuillu akornanni ataatsimooqatigiittarnermik – tunioraasutut pingaaruteqassusaat. Tamatuma kingorna oqaaseq innarluuteqarneq oqallisigisiuk. Qanoq isumaqarpa? Innarluuteqannginneq isumaqarpoq atorneqarsinnaaneq, taamaattumik inuk innarluuteqaruni atorneqarsinnaassanngilaq – atorfissaqassanngilaq. Inuiaqatigiit ataatsimut isigigaanni tassa sulisussatut atorfissaqassanngilaq.</li> </ul>

**Naalakkersuinikkut, inatsiseqarnikkut eqqartuussiveqarnikkullu aaqqissuussaaneq**

Naliliinissamat siunnersuutit	Atortussatut siunnersuutit
<ul style="list-style-type: none"> <li>• Saqqummiussereernerup kingornatigut atuartut eqimattakkaartil-lugit aqutsiveqarfiit assigiinngitsut pillugit apeqqutinik suliaqar-tikkitt assersuutigalugu atuarfeqarfimmud tunngassuteqartunik: Atuarfitsinni atuaqatigiit amerlassusissaat kiap aalajangersartar-paa? Atuartinneqarnitsinnud tunngatillugu ilikkagassatut anguniagas-sagut kiap aalajangersagarai? Kiap aalajangersimavaa ilikkagassatut anguniagassagut sunik imaqassanersut? Kiap aalajangersartarpaa atuartussaataanerput ukiullu qassit atuartussaataanersugut?</li> </ul>	<p><i>Ilinniartitsisumut</i>                      ”Håndbog for skolebestyrelser”. 1997- imi naqittoq, immikkoortut aappaat, kingusinnerusukkut naqittuni immikkoortumi siullermi, atuarfeqarfiup aqunneqarne-ranik aaqqissuussisimaneq pillugu.  <i>Immikkoortoq oqartussaasut assigiinngitsut oqartus-saaffiunik nalinginnaasumik agguataarisimanermut assersuutitut naleqquttut atorneqarsinnaavoq.</i></p>
<ul style="list-style-type: none"> <li>• Naalagaaffeqatigiinerup iluani pissutsit pitsaaqutaat pitsaanng-equtaallu oqallisigisigit. Atuartut oqaluttuutikkitt namminersuuti-gitilluguluunniit paasiniaatikkitt kalaallit qallunaallu atuarfeqar-fiisa assigiinngissutaannik oqallisigisiullu kalaallit namminneq aalajangersaasinnaanerisa pitsaaqutigisinnaasai pitsaanngequti-gisinnaasaalu. Aammattaaq kalaallit qallunaallu pillaaserneranni inatsisit assigiinngissutaasa ilaannik paasisaartikkitt pissutsillu taamaattut pitsaaqutaat pitsaanngequtigisinnaasaallu oqallisigi-tikkitt.</li> </ul>	
<ul style="list-style-type: none"> <li>• Oqallisigisiuk inuiaat akornanni meeqqat piginnaatitaaffiisa inuunerannilu atugassarititaasut suleqatigiissutigineqartarnerisa pingaaruteqassusaat. Atuartut peqatigalugit eqqaaqqaagaannik allattuigitsi misissorsigillu suleqatigiiffiit allat suut meeqqanut atugassarititaasunik pitsanngorsaaniarlutik suliaqarnersut, soorlu UNICEF, Red Barnet, SOS-Børnebyerne aamma Mellempolke-ligt Samvirke il.il..</li> </ul>	<p>Pilersuiffiup ataatsimut katersugaateqarfianiit allatsit-sivissiaq: 37.2 - 37.3.</p> <p>Meeqqat ukiunut naleqqussakkanik atortussanik ilin-niartitsisunullu ilitsersuutinik aamma meeqqat pillugit inuiaat akornanni suleqatigiinnermud paasisuttisannik quppersakkani makkunani ujarlertoqarsinnaavoq:  <a href="http://www.unicef.dk">www.unicef.dk</a>  <a href="http://www.redbarnet.dk">www.redbarnet.dk</a>  <a href="http://www.ms.dk">www.ms.dk</a> (Mellempolkeligt Samvirke)  <a href="http://www.sos-borneby.dk">www.sos-borneby.dk</a></p>
<ul style="list-style-type: none"> <li>• Atuartut eqimattakkaartilugit suliaqartikkitt apeqqutinillu mak-kuninnga akiortuisillugit: Ilaqtariit ”inuiatigiinnik piujuaannartitsisussatut” suna pissu-tigalugu isigineqarsinnaappat? Ilaqtariit ataatsimooqatigiiffittut ataannartinneqarnissaat pitsaa-suuva imaluunniit pitsaanngitsuaa? Sooq taamaappa? Eqimattat suliaminnik saqqummeereernerisigut ilaqtariit inuia-qatigiinnik attasissusaasutut isigineqarnerisa pitsaaqutigisinnaa-saat pitsaanngequtigisinnaasaallu oqallisigineqassapput.</li> </ul>	

Ilikkagassatut anguniagassat	Atuartitsinissamat siunnersuutit
<ul style="list-style-type: none"> <li>• <b>nunap inoqqaavisa ilaqutariittut inuiaqatigiittullu aaqqissuussaannermik ilusilersugaanerat ilisimasaqarfigis-sagaat</b></li> </ul>	<ul style="list-style-type: none"> <li>• Takuuk qanga maannakkullu kulturi inuiaqatigiillu.</li> </ul>
<ul style="list-style-type: none"> <li>• <b>qanga ullutsinnilu inuiaqatigiinnik aaqqissuusseriaatsit misissorsinnaallugillu imminnut sanilliussinnaassagaat</b></li> </ul>	<ul style="list-style-type: none"> <li>• Atuartut oqaloqatigikkut oqaluttuullugillu maannakkut inuiaqatigiit assigiinngitsut assigiinngit-sunik iluseqartunik aaqqissuusaasimanerinek: inuit naalakkersuinermi oqartussaaqataatinneqarne-ri assigiinngitsut, naalakkersuinnikkut suliqatigiiffimmik ataatsimik tunulequtaqarluni aqutsineq, inunnit ataasiakkaanit aqunneqartumik kisermaassinikkut naalakkersugaaneq allallu.</li> <li>• Pingasunik teqqquliliamik titartaagit kulturitoqqani oqartussaassuseqarfeqassutsit ersersinniar-lugit soorlu inussiat, naasorissaasut, niuertut palasillu. Atuartut kulturitoqqani ikinerpaamik marlunni innuttaassuseqarnermi inissisimanernek aammalu arnat angutillu pineqartarnernek as-sersuusitikkut. Aammalu pingasunik teqqquliliap isumaa eqqarsaatersuutigiguk – taanna ul-lutsinni inuiaqatigiit aaqqissuusaanerannut assersuunneqarsinnaava? Kiap inuit ataasiakkaat pingasunik teqqqulimmi sumut inissisimaneqarnissaat aalajangersartarpa? Kulturit tamarmik aaqqissuunneqarnerminni oqartussaaffinnik ikiliartuaartitsillutik oqartussaasullu ikiliartuaarneri-ni oqartussaassutsimik annertusiartuaartitsisarpap?</li> <li>• Pinerluttuliornermi iliuuseqarnermik piviusuusaartitsigit soorlu killuussinernek. Atuaqatigiit eqimattakkaanut agguakkit taakkunanilu siulleq inuiaqatigiinnik qangatoortunik sammisaqassaaq aappaallu ullutsinni aaqqissuussinernek sammisaqassalluni. Atuartut nassuiaasikkut (taamatut pinerluttuliornermi) qanoq aaqqissuussinernek qangatoortumi ullutsinnitoortumilu pillaatissisio-qassanersoq.</li> <li>• Oqaloqatigiissutigisiuk oqariartaaseq "isi isimik, kigullu kigummik". Atuartut pinerluttuliatut eqqaaqqaagaannik allattuisikkut taamatullu eqqarsartaatsimik tunngaveqarluni pinerluttuliornerit taamaattut pillaatissinneqatigisinnaasaannik isumaliutersortikkut.</li> </ul>
<ul style="list-style-type: none"> <li>• <b>europamiut ilisima-sassarsiorlutik an-galasarsimanerini pisimasut pingaar-utillit nunarsuullu immikkoortuini al-lani europamiut nunasiaateqarsima-nerat pillugu ilisi-masaqassasut, ta-matumunnga ilaap-put Amerikap avannarliup nuna-siffigineqarsimane-ra</b></li> </ul>	<ul style="list-style-type: none"> <li>• Ilisimasassarsiornerup nunassarsiornerullu tunngavimmikkut assigiinngissutaat siunertaallu pillugit atuartut oqaloqatigikkut ilinniartillugillu – amerlasuutigut ilisimasassarsiornerit nuna-siaatitaarnermik kinguneqartarnerannik aammalu niuveqatigiinneq nalinginnaasumik aallartittoq amerlasuutigut nammineq nunap pissarititai atorumallugit nukersornermik kinguneqartarsimammat = nunasiaateqarneq aammali ilisimasassarsiornerit tamatigit nunasiaateqarnermik kin-guneqartanngimmata, soorlu inuit pissusii pillugit ilisimatut inuiaat inuiaqatigiinn guilluunniit naluneqartut taakkualu inuunerat misissorumasarmatigit naalagaaffigiumanagit. Piffissami aalajangersimasumi europamiut ilisimasassarsiorlutik angalasarsimanerinek pingaar-utegartunik suliaqaritsi filminik isiginnaarlusi, båndinik tusarnaarlusi, atuarlusi atuaqatigiinnilu tamakkua oqallisigalugit. Taamaalioreernermi atuaqatigiit eqimattakkaartillugit sulisikkut nam-minersortillugillu aamma / imaluunniit atortussaannik ujarlertikkut tuniorarlugilluunniit, soorlu Davis, Marco Polo, Columbus, Livingstone aamma Magellan pillugit. Eqimattat tamarmik im-mikkut qulequtaq imaluunniit ilisimasassarsiorartooq toqqassavaat sapaatillu akunnerini arlalinni imaluunniit ulluni qulequttanik aalajangersimasunik suliaqarfinni marlussunni tamakkua pillugit suliaqassallutik. Suliassamat piumasaqaataasut aallartinnginnermi erseqqissaaqqaarneqassapput. Eqimattat allattariarsornikkut eqimattanut allanut saqqummiussassaminnik sanaartussapput eqi-mattakkaarlutillu saqqummiussuissallutik. Qanoq iliorlutik saqqummiussinissartik namminneq aalajangersassavaat.</li> <li>• Atuaqatigiit marluinngorlugit avikkut. Atuaqatigiit affaat nunasiaateqarniartuusaassapput, soorlu spaniamiut Amerikami akullermi atuaqatigiillu affaasa aappaat nunasiaateqarniartunit isaaffigineqarsimasuusaassapput, soorlu Amerikami akullermi eqqillit. Oqaloqatigiissikkut namminneq isummatik illersortillugit, soorlu: Nunagisat tiguarpara pigisatit pigilerumallugit. Aamma: aappi kisianni uanga nunagaara aamma pigisavit ilaat uanga aamma pigerusuppakka..... il.il.. Qulequtaq atuartitsissutissat akimorlugit aamma anguniagaq aalajangersimasooq anguniarlu gu imaluunniit atuartitsissutissat akimorlugit aalajangersimasunik qulequtsiilluni soorlu pinngortita-lerineq, upperisalerineq isumaliqqissaarnerlu kiisalu allamiut oqaasii suleqasiullugit atuartitsis-sutissatut naleqquppoq.</li> </ul>

Naliliinissamat siunnersuutit	Atortussatut siunnersuutit
<ul style="list-style-type: none"> <li>• Atuartut eqimattaqqanut agguaatikkit pingasunillu teqeqquliliaq tunngavigalugu inuiaqatigiinni assigiinngitsuni marlunni suliarisimasaanni naalagaasuseqarneq pillugu nalunaarsuisikkit. Eqimattat affaasa siulliit inuiaqatigiit aalajangersimasut ataatsit sammissavaat affaasalu aappaasa inuiaqatigiit allat suliarissallugit. Eqimattat suliaannik saqqummiisikkit ataatsimoorullugulu oqaloqatigiissutigisiuk inuiaqatigiit assigiinngitsut taakkua marluk assigeequtaat assigiinnequtaallu.</li> </ul>	
<ul style="list-style-type: none"> <li>• Saqqummiinermi apeqqutit makkua akineqassaput allattukkanilu akiortoreerneqarsimassallutik: <ul style="list-style-type: none"> <li>- Sooq Marco Polo, Columbus il.il. angalappat, suna siunertaraat?</li> <li>- Sumik nanisaqarmissaminnik neriuteqarsimappat aamma suna nassaaraat?</li> <li>- Nassaarnerat nunamut nassaarisaannut qanoq kinguneqarpa namminerlu nunagisaannut aamma qanoq kinguneqarpa?</li> <li>- Tamanna nunanut taakkununga nunarsuarmullu ullumikkut kinguneqarsimava?</li> <li>- Ineriartornerup taamaattup pitsaaqutai pitsaangequtaaluunniit pillugit isummasi nalunaarutigisigit.</li> </ul> </li> <li>• Atuartut apersukkit: <ul style="list-style-type: none"> <li>- Nunagisami tiguagaasimaneq qanoq misigisimarnarpa?</li> <li>- Tiguaasuulluni qanoq misigisimarnarpa?</li> <li>- Pissusissamisoorpa nunat/nunarsuup immikkoortui tiguassallugit?</li> <li>- Ilaatigut pissusissamisoorsinnaasarpa? Sooq/sooq taamaanngila?</li> </ul> </li> </ul>	<p>”Ukiup 1500-p nalaani nassaat nutaat”/”Historien om de nye opdagelser omkring år 1500”. Båndit – kalaallisuut qallunaatuullu. DR. Pilersuiffik, ataatsimut katersugaateqarfik.</p> <p>Eriksen, Gerhardt: "Det sorte Afrika fra 1400-tallet". Gyldendal AV, 1977. Sarsuatitassiat + Båndillu. Pilersuiffik, ataatsimut katersugaateqarfik.</p> <p>"Sidste ridt til Wounded Knee". Video, kalaallisuut qallunaatuullu oqaasertalersugaq. KNR, 1992. Pilersuiffik, ataatsimut katersugaateqarfik.</p> <p>"De tog vores land". (Panorama). Video. LFU, 1977. Pilersuiffik, ataatsimut katersugaateqarfik.</p> <p>Konstrup, Søren: "Fra straffekoloni til demokrati: Australiens historie". Klasesætsit. Munksgaard, 1986. Pilersuiffik, ataatsimut katersugaateqarfik.</p> <p>Humble, Richard: "Opdagelsesrejser". Eqimattanut atugassiat. Ålykke. Pilersuiffik, ataatsimut katersugaateqarfik.</p> <p>Derek Cullen m.fl.: "Store rejser på oceanerne". Klasesætsit. Ålykke 1989. Pilersuiffik, ataatsimut katersugaateqarfik.</p> <p>Pilersuiffiup ataatsimut katersugaateqarfiata allatsitsivissaataa: 40.9 aamma 98.53.</p> <p>Qallunaat atuartitsissutissanik naqiterititsiviata nittartagaani <a href="http://www.fui.dk">www.fui.dk</a> –mi atuartitsinermi atortussat assigiinngitsut naleqquttut meeqqallu ukiuinut assigiinngitsunut naleqqussakkat nassaarineqarsinnaapput. Atortussat tamakkua amerlanersaat Pilersuiffiup paasisutissiisarfianiit alakartigassatut atorniarneqarsinnaapput.</p>

<b>Aningaasaqarneq, inuussuti ssarsiorneq teknologilu</b>	
<b>Ilikkagassatut anguniagassat</b>	<b>Atuartitsinissamat siunnersuutit</b>
<ul style="list-style-type: none"> <li>• <b>Kalaallit Nunaanni tunisassiornermut inuussutissarsiornermullu tamatumunngalu tunn-gatillugu pinngortitap tunniussinnaasaanik inuillu pilersitaanik pisariaqartitsineq ilisimasaqarfigissagaat</b></li> </ul>	<ul style="list-style-type: none"> <li>• Atuartut eqimattakkaartikkitt inuussutissarsiuutinillu assigiinngitsunik marlunnik suliaqartil-lugit ataaseq sumiiffimminni nalunngisaat ataaserlu allami inuussutissarsiuutaasoq, soorlu savaateqarneq aammalu piniarneq aalisarnerlu. Qinnuigikkitt inuussutissarsiuutip ineriartor-tinneqarsimaneranik misissugaqaqqullugit tassungalu inuussutissarsiuutit attuumassuteqar-sinnaasut ilanngullugit aammalu misissortiguk inuussutissarsiummi atugassarititaasut pinngortitamit tunniussaasut atugassarititaasullu inunnit pilersinneqarsimasut, assersuutigalugu aalisagaqassuseq pinngortitamit pilersitaavoq, aalisakkanilli suliffissuit amerlasuunillu nioqquutissiorneq tuniniaasarnerlu inunnit pilersitaallutik. Eqimattat saqqummeeqqukkit ti-tartakkat, assilialianik katikkat il.il. atorlugit.</li> </ul>
<ul style="list-style-type: none"> <li>• <b>ullutsinni teknologiip aningaasarsiornermut pingaarutaa ilisimasa-qarfigissagaat, tamatu-munnga assartuinikkut attaveqaatitigullu aaq-qissuussaaneq ilanngul-lugit</b></li> </ul>	<ul style="list-style-type: none"> <li>• Atuartut peqatigalugit nunarsuup ilaanit allamiit nioqquutissat eqqussukkat arlallit toqqartor-sigit. Nunarsuup assingani aggerfii (illoqarfiit, nunat) erfaluunik nalunaaqutsersorsigit. Atuartut qinnuigikkitt eqqarsaatigeqqullugu nassuiaateqarfigeqqullugillu eqqussukkatta ta-makku aningaasaqarmitsinnut kingunerisaat (assersuutigalugu nioqquutissat amerlassusaan-ut, sulisussaqaarnermut, atortussiassanut, nukissiuutinut atugassat aammalu angallassineq). Atuartut peqatigalugit nioqquutissat tamakkua angalaneri aallaqqaataaniit naggataanut misis-sorsingit nioqquutissiarineqarneriniit inniminnerneqarnerinut taavalu inniminnisunut tikitin-eqarnerinut. Taamaalioreernermi oqallisigisigit nunat akornanni niueqatigiittarnerup pi-saannequtigisinnaasai, soorlu meeqqanik sulisitsisarneq, akilernerlukkanik sulisoqartarneq, angallassinermi nukissanik atui piloortarneq il.il..</li> <li>• Atuartut peqatigalugit naalakkersuineri suleqatigiiffiit assigiinngitsut qineqquusaarutaat aviisillu saqqummeqqammersut atuarsigit. Nunap iluani aaqquissuussineq, mittarfiit, angal-lassinermit akigitat il.il. oqallisigineqartut oqallisigisigit.</li> </ul>
<ul style="list-style-type: none"> <li>• <b>tusagassiuutit inuit ul-luinnarni inuunerannut sunnuteqarnerat, inuillu tusagassiuutinut qanoq sunniisarnerat ilisimasa-qarfigissagaat,</b></li> </ul>	<ul style="list-style-type: none"> <li>• Atuartut ussassaarutiniq assigiinngitsunik nassaartortikkitt. Ussassaarutit nuannarisaaat nuan-narinnngisaallu toqqartortikkitt toqqartuinerallu tunngavilersortillugu. Oqaloqatigiissutigisiuk taamatut isummersornerisa nioqquutissat tunineqartarnerinut sunniutigisaragaat.</li> <li>• Atuartut marlunnngorlugit avikkitt affaallu aviiseeraliortikkitt imarissaartumik (uppernassuse-qartumik) affaasalu aappaat aviisiliortikkitt nuannaarsaataanusumik / qalliinnarsiuortumik (uppernassuseqarpallaanngitsumik). Suleqatigiit aviisiliatik akunnerminni paarlaatissavaat namminerlu aviisiliamik pisiarineqartariaqarnerinik tunngavilersuillutik.</li> </ul>
<ul style="list-style-type: none"> <li>• <b>Kalaallit Nunaanni nunasiaanerup nalaaniit ullutsinnut inuussutis-sarsiuutitigut teknologiillu tungaatigut ineriartor-simaneq ilisimasaqarfi-gissagaat</b></li> </ul>	<ul style="list-style-type: none"> <li>• Atuaqatigiit eqimattarakkuutaartikkitt tamaasalu immikkut inuussutissarsiummik aalajan-gersimasumik, assigiinngitsunilli, suliasillugit. Inuussutissarsiuutip suliasarititaasup ineriartorsimaneranik nalunaausortikkitt – tamatumani ineriartornermi inuussutissarsiuutit / inuussutissarsiuutinut tapertat nutaat pinngorsimasut ilanngullugit. Eqimattat akunnerminni titartakkiat atorlugit suliaannik saqqummiussisikkitt.</li> <li>• Eqimattat suuinnaasumik qulequttamilluunniit tunikkitt assilissanillu katiterinikkut taassu-map ineriartorsimaneranik saqqummiussasiortikkitt, assersuutigalugu qulliup uuliatortup ullumikkut innaallagiatortumit qullermit taarserneqarsimasup ineriartorsimaneq, imertar-tarneq apummillu aassisarneq nalitsinni kuuffimmik qipisariaannarmik taarserneqarsima-soq, unaaminngaaniit aallaammut il.il. Nassuiaateqaqqukkit teknikkikkut ineriartorsimane-rup ullumikkut nutaanik inuussutissarsiuutinik pilersitsisimanerinik inuussutissarsiuutillu ta-makku oqaluttuareqqukkit.</li> </ul>



<b>Aningaasarsiorneq, inuussuti ssarsiorneq teknologilu</b>	
<b>Naliliinissamat siunnersuutit</b>	<b>Atortussatut siunnersuutit</b>
<ul style="list-style-type: none"> <li>• Saqqummiussinerni pineqartuni tamanit una apequtigisarik: Tamanna pingortitamit imaluunniit inunnit pilersitaava? Sooq taamatut isumaqarpisi?</li> </ul>	<p>Aidt, Leif m. fl.: Kalaallit Nunaat Nunalerutit. Atuakkiorfik Ilinniuisiorfik, 2000.</p> <p><i>Qallunaatuua Geografforlagimit saqqummersinneqarsimavoq ateqarlumilu GO-Mosaik Tema: Grønland.</i></p>
<ul style="list-style-type: none"> <li>• Atuartut peqatigalugit "eqqaaqqaagarsioritsi". Nunat akornanni niueqatigiittarnerup pitsaaqutai tamaasa nassaariortortikkitt. Qinnuvigikkitt taamatut niueqatigiinnerup pitsaaqutai tunngavilersoqullugit naggataamillu oqallinnermi pitsaanngequtaasinnaasut qanoq iliornikkut ingalassimarniarneqarsinnaaneri oqallisigisigit.</li> <li>• Qulequttat assigiinngitsut soorlu mittarfiit, umiarsuakkut angallassinert aamma e-mail allattarfissuarmut allattorsigit. Tamakkununga tunngassuteqartunik aningaasarsiornikkut pitsaanngequtaasinnaasut pitsaaqutaasinnaasullu toqqartorsigit toqqartuinerillu tamakku tunngavilersuuteqarfigitikkitt.</li> </ul>	
<ul style="list-style-type: none"> <li>• Atuartut peqatigalugit oqallisigisiuk sooq ussasaarutinit sunnerneqartarnersugut. Makkua apequtigikkitt: Ussasaarutit uppernarnerusunnortinniarlugit nammineq qanoq iliuseqarsinnaavugut? Nioqutissiaq soorlu qaqsaaq ussasaarut tunngavigalugu atuartunit pilerigineqartoq misilissiuq paasiniarsiullu taassuma ussasaarummi oqatigineqartutuulli pitsaasuseqarnera.</li> <li>• Eqimattat saqqummeereernerisigit tusagassiuutit ulluinnarni inuunitsinnut sunniutigisartagaat oqallisigineqassaaq atuaqatigiillu oqallisigissavaat tusagassiuutit sunniuteqarfiginiarlugit qanoq iliorsinnaanersugut.</li> </ul>	<p>Scheuer, Carsten: Aviisiliorta, Atuakkiorfik Ilinniuisiorfik, 1998.</p>
<ul style="list-style-type: none"> <li>• Suleqatigiit/atuaqatigiit saqqummiussinermi teknologimi inuussutissarsiutilluunniit tapiusut taaneqarsimannngitsut pillugit eqqaaqqaagaannik nalunaarsuisikkitt. Taamaalioreernermi teknologimi ineriartornerup pitsaaqutai pitsaanngequtaalu eqqartorsigit.</li> <li>• Eqimattat titartagaliatik atorlugit imminnut suliaminnik saqqummiivigissapput ataatsimoorullugulu oqallisigisiuk teknologimi ineriartornerup ulluinnarni inuunitsinnut sunniusimassuseqarnera.</li> </ul>	

Ilikkagassatut anguniagassat	Atuartitsinissamat siunnersuutit
<ul style="list-style-type: none"> <li>• <b>pinngortitap tunniussin-naasaanik i nuillu pilersitaannik tunngave qartunik, tamatumunngalu tunngatillugu nunarsuarmi sumiiffinni assi-giinngitsuni piffissanilu assigiinngitsuni inuussutissarsiornikkut tunisas-siornikkullu ilusilersugaasimanerit ilisimas aqarfigissagaat</b></li> </ul>	<p>Takuuk qulequtaq Nunarsuarmi avatangiisit.</p>

<b>Naliliinissamut siunnersuutit</b>	<b>Atortussatut siunnersuutit</b>

**Silarsuatsinni avatangiisit**

<b>Ilikkagassatut anguniagassat</b>	<b>Atuartitsinissamat siunnersuutit</b>
<ul style="list-style-type: none"> <li>• <b>Kalaallit Nunaata nunarsuullu 'nunap assingi' ilutsit assigiinngitsut ilisimallugillu atorsinnaassagaat</b></li> <li>• <b>Kalaallit Nunaanni kommuneqarfiit, illoqarfiit nunaqarfiillu annerit sumiinneri ilikkarsimasagaat</b></li> </ul>	<p>Ilikkagassatut anguniagassanik ilinniartitsineq Kalaallit Nunaat pillugu ilinniartitsinermut tamarmut akuutinneqarluni ilaatinneqassaaq.</p> <ul style="list-style-type: none"> <li>• Kalaallit Nunaata inuisa oqaluttuarisaanerannik, inuussutissarsiutaannik teknologimilu ineriartorsimanerannik ilinniartitsisoqartillugu alloriarfiup ingerlanerani tamarmi Kalaallit Nunaata immikkoortunut agguarneqarfii tamatumunnga ilanngullugit kommunit nunaqarfiillu sumiinneri ilinniartitsissutigineqassapput. Nikerartumik nunap assingi nalinginnaasut atilersukkat nunallu assingi kissassusilerutit naasoqassusilerutillu atilersukkat atilersugaanngitsullu atorneqartassapput.</li> </ul>
<ul style="list-style-type: none"> <li>• <i>Kalaallit Nunaata nunarsuullu 'nunap assingi' ilutsit assigiinngitsut ilisimallugillu atorsinnaassagaat</i> (immikkoortortamit matumaniit)</li> <li>• <b>nunarsuup assingani sumiissutsit, imarpissuit nunarsuullu immikkoortortaasa sumiinneri, qaqqaqarfissuit kuusuaqarfiillu aamma nunap immikkoortui nunallu sumi inissisimaneri ilisimassagaat</b></li> </ul>	<p>Ilikkagassatut anguniagassanik ilinniartitsineq alloriarfimmi ilinniartitsinermut tamarmut akuutinneqarluni ilaatinneqassaaq.</p> <ul style="list-style-type: none"> <li>• Assersuutigalugu nunarsuarmi sumiiffinni assigiinngitsuni inuuniarnermi atugarisat inuiaqatigiillu atugarisaat pillugit, inuiaqatigiit Kallallit Nunaata vikingit nalaannit ullumikkumut attavigisarsimasai pillugit, kulturitoqqat assigiinngitsut nunarsuarmi nunanit assigiinngitsuneersut ineriartorsimaneri pillugit, europamiut nunarsuup immikkoortuini assigiinngitsuni nunasiaateqartarsimaneri pillugit nunarsuarmilu sumiiffinni assigiinngitsuni pinngortitamit inunnillu pilersinneqartunik inuussutissarsiornermi nioqutissiornermilu ineriartorsimanermi pissutsinik ilinniartitsisoqartillu tamatigut sumiiffiit assigiinngitsut pillugit sumiiffiillu tamakku nunarsuup ilaani sorlermiinnerinik avataangiisaannillu ilinniartitsisoqartassaaq. Nikerartumik nunap assingi atilersukkat nunallu assingi kissassusilerutit naasoqassusilerutillu atilersukkat globusilu atorneqartassapput taamaaliormilulu atuartut ilaatinneqariartuaassapput nunanik nunarsuullu immikkoortuunik nammineerlutik tikkuartuisarnermikkut. Inuussutissarsiutit, kissassuseq kulturillu pillugit paasissutissat tunngavigalugit atuartut nunat aamma nunarsuup immikkoortuisa sumiinnerinik nunap assingani globusimiluunniit eqqoriaasinneqartassapput.</li> <li>• Atuartut marlukkaartillugit pilersaarusiortillugillu angalasusaartikkut imminnullu oqaluttuutitillugit angallavitsik qanoq ittuunersoq, nuna qanoq isikkoqarnerseq taamaaliorminnilu angallavimminni aqutertik nunap assingani tikkuartortassavaat.</li> </ul>

**Silarsuatsinni avatangiisit**

Naliliinissamut siunnersuutit	Atortussatut siunnersuutit
<p>Ilikkagassatut anguniagassap nalilersorneqartarnera Kalaallit Nunaat pillugu ilinniartitsinermut tamarmut ilaatinneqartassaaq.</p> <ul style="list-style-type: none"> <li>• Kalaallit Nunaata inuisa oqaluttuarisaanerannik, inuussutissarsiutaannik teknologimilu ineriartorsimanerannik ilinniartitsisoqartillugu alloriarfiup ingerlanerani tamarmi atuartut Kalaallit Nunaata immikkoortunut agguagaaneranut tamatumunnga ilanngullugit kommunit nunaqarfiillu annerusut sumiinnerinut nalunngisaat nalilersorneqartassapput. Atuartitsinermi tamakkua pineqartillugit akuttunngitsumik atuartunut nunap assingani nalunaarsuutitaqanngitsumi immikkoortut, kommunit, illoqarfiit nunaqarfiillu tikkuartortittakkut.</li> </ul>	<p>”Kalaallit Nunaat - Grønland, Atlas”. Atuakkiorfik 1992.  <i>Nunap assilerutit naqiteqqinneqartussaangillat atortussianilli allanit, 2004-ap aallartismanerani saqqummersinneqartussatut naatsorsuutigineqartunit, taarteqartinneqassapput. Takuuk Ilinniusrfiup nittartagaa:</i>  <a href="http://www.ilinniusrfiik.gl">www.ilinniusrfiik.gl</a></p> <p>Kalaallit Nunaata assinga atilersugaq atitaqanngitsorlu aammalu silaannaap-, naasullu naasarfiisa killeqarfiinik nalunaarsuiffittalik nalunaarsuiffittaqqanngitsorlu il.il..</p>
<p>Ilikkagassatut anguniagassat nalilersorneqartarnerat alloriarfimmi ilinniartitsinermut tamarmut atatillugu ilaatinneqartassaaq.</p> <ul style="list-style-type: none"> <li>• Atuartitsinermi tamakkua pineqartillugit aammalu kissasuseq, inuussutissarsiutit, inuiaqatigiit aqqissugaanerat aamma/ imaluunniit kulturit pillugit paasissutissat tunngavigalugit; nunarsuup immikkoortuisa, imarpiit, qaqqaqarfiit, kuussuaqarfiit aamma immikkoortut nunallu inissismaneri tunngavigalugit akuttunngitsumik atuartunut sumiiffiit tamakkua nunap assingani nalunaarsuutitaqanngitsumi tikkuartortittakkut.</li> </ul>	<p>Nunarsuup assinga atilersugaq atitaqanngitsorlu aammalu silaannaap-, naasullu naasarfiisa killeqarfiinik nalunaarsuiffittalik nalunaarsuiffittaqqanngitsorlu il.il..</p>

Ilikkagassatut anguniagassat	Atuartitsinissamut siunnersuutit
<ul style="list-style-type: none"> <li>• <b>Kalaallit Nunaanni aamma nunarsuarmi sumiiffinni allani inuit najugaanni assigiinngi t-suni pinngortitap inuillu namminneq pilersitaanik tunngaveqartut akornanni ataqatigiis-sutsit paasisaqarfigissa-gaat</b></li> <li>• <i>pinngortitap tunniussin-naasaanik inuillu pilersitaannik tunngaveqartunik, tamatumunngalu tunngatillugu nunarsuarmi sumiiffinni assigiinngitsuni piffissanilu assigiinngitsuni inuussutissarsiornikkut tunisassiornikkullu ilisilersugaasimanerit ilisima-saqarfigissagaat</i></li> </ul>	<p>Kalaallit Nunaanni pissutsit, Kalaallit Nunaani inuussutissarsiutit teknologimilu ineriartorneq pillugu ilikkagassatut anguniagassanut ilaatillugit, suliarineqartussaapput taamaattumillu ilikkagassatut anguniagassanut tamakkununga atatillugit immikkut ilanngunneqartariaqanngillat.</p> <p>Kaammattuutigineqassaq atuartitsineq qulequttat tunngavigalugit ulluni/sapaatit akunnerini tamakkuninnga suliaqarnertut ingerlanneqartassasoq pisariaqarpat pinngortitalerinemik, matematikkimik allamiullu oqaasiinik atuartitsinermik suleqateqarnikkut. Eqqanaareeruk inimi atuartitsiviusumi nunanut assigiinngitsunut nunarsuullu immikkoortuinut assigiinngitsunut tunngassuteqartunik atuakkanik qimerluu gassaqartitsinissaq.</p> <ul style="list-style-type: none"> <li>• Atuartut oqaloqatigikkat tunngaviusut suut aallavigalugit illoqarfii illoqarfissuillu pilersarnerisut soorlu sumiissuseq, pissarititap, angallassinermi periarfissat suliffissaqartitsinnaanerlu tunngavigalugit. Oqallisigisigit aalisakkat imaluunniit naasorissagassat avataatigut pinngortitap tunniussinnaasai suunersut soorlu Afrikami diamantit, Kangiani Akullermi uulia il.il.. atuartut nunamik nunarsuulluunniit immikkoortuanik aalajangersimasumik toq-qaaqqukkit toqqagarlu naapertorlugu eqimattat inuttalersorlugit suliaqartikkat. Eqimattat allaatigisaqartikkat, misissuisikkat nassuiaasersuisillugillu: nunap/immikkoortup inuussutissarsiutitigut ineriartorsimaneranik illoqarfissuillu ineriartorsimanerinek inuerukkiartorsimanerilluunniit. Allaatigisap ersersinniassavaa nioqutissiornermi ineriartorsimanerup, nunap nammineq tunniussinnaasaasa inuillu pilersissimasaasa ataqatigiinnerat. Eqimattat tamarmik nalunaarusiussapput nalunaarusiarlu imaqartinneqassaaq assitalersuutinek aamma kisitsisit tunngavigalugit nalunaarsuutinek tamakkualu ersersissavaat nunap taasuma aningaasarsiornikkut ineriartorsimaneera taamaattoqarpallu nunaannarmiit illoqarfinit/illoqarfinniit nunaannarmut nutsersimaneq. Nalunaarusiaq ineriartorsimanerup kingunerinik – pitsaasunik pitsaangitsunillu – namminersuutigalugu naliliinernik naggateqartinneqassaaq. Nalunaarusiat assiliortorneqassapput atuartut tamarmik peqarsinnaaqullugit. Eqimattat tamarmik oqaluttariarsornikkut, filminik takutitsinikkut assilialiatigut periutsilluunniit allat atorlugit suliaminnik saqqummiussissapput.</li> </ul>
<ul style="list-style-type: none"> <li>• <b>inuiaqatigiit avatangiisiminnik qanoq sunniarsarnerisut aamma namminneq avatangiisimi nit sunnigaasarnersut paasisimasaqarfigissagaat</b></li> </ul>	<p>Qulequtaq alloriarfiup naalernerani suliarineqassaaq aaqjissuunneqassallunilu aalajangersimasumik qulequtaqarnikkut suliaqarnertut imaluunniit aalajangeriikkamik anguniagaqarluni suliaqarnertut sulinerlu pinngortitalerinermi ilinniartitsineq suleqatigalugu ingerlanneqassaaq.</p> <ul style="list-style-type: none"> <li>• Atuartut pinngortitap pissarititaanik aalajangersimasumik toqqaqqukkit assersuusiortikkillu pissarititap taassuma, nunani tallimani, iluaqutiginarneqarnerata sumiiffinnut nutsernermut, aningaasarsiornermut avatangiisinullu (mingutitsineq) sunniutai.</li> <li>• Brasiliami orpippassuarnik ikullaasarneq tamatumalu kingunerisai aallaavigikkat: Nuna naggorluttoq, uumasut naasullu nungutaanerit ilaatigut naasut nakorsaatit pingaarteqartut nungutaanerit, nunarsuarmi iltimik amigaateqalerneq ikullaanerillu tunngavigalugit mingutsitsineq. Ataatsimoorullugu imaluunniit eqimattakkaarlusi ajornartorsiutit makkua pillugit suliaqaritsi: seqqartaatit toqusaatit, atomimik nukissiorneq, suliffissuaqarfinni akuutissat arrortikkuminaatsut, ozonimi putut, nunarsuup kissakkiartornera, sialuk syrertalik il.il.. ajornartorsiutini tamani apeqqutit makkua suliarisigit: Ulluinnarni inuuninni ajornartorsiutit tamakku alliertunnginnissaat anguniarlugu qanoq iliuuseqarsinnaavunga? Ajornartorsiutit millisarniarlugit nunarsuaq tamaat eqqarsaatigalugu qanoq iliuuseqarsinnaavunga? Ajornartorsiutit millisarniangikkutsigit qanoq pisoqassava? Ajornartorsiutit pilersimanerit aaqpinneqarsinnaanerinullu akisuussaaffik sumiippa?</li> </ul>

Naliliinissamat siunnersuutit	Atortussatut siunnersuutit
<ul style="list-style-type: none"> <li>• Saqqummiussinnginnermi eqimattat tamarmik eqimattat allat nalunaarusaannut apeqqutissiussapput kaammatorneqassappullu angusaqarniartumik isornartorsieqqullugit nersualarinneqqullugillu. Ingerlatsineq naggasersiuk nunat/immikkoortut akunnerminni assigiissusaasa assigiinn-gissusaasalu nalunaarsorneqarnerinik atuartullu aperisigit tamakkua tunulequtaannik tunngavilersueqqullugit.</li> <li>• Atuartut qinnuigikkat attaveqatigiittarnermi atorlut qaasannaasaat tamaasa taakkartoqqullugit. Tamatumunnga tunngatillugu misissueqqukkit assersuusioqqullugillu kulturoqqani qanoq atassuteqatigiittoqartarsimanersoq tamatumunnga angallannermi atorlut ilanngullugit.</li> </ul>	<p>Tom Døllner allallu: "GO 1-5". Nunalerutinik ilinnusiat ataqatigiissut atuartunut suliassartallit ilinniartitsisumullu ilitersuutitallit. Atuakkiorfik 1993 - 1995. <i>Ilinnusiat ataqatigiissut naqiteqqinneqassanngillat.</i></p> <p>Qallunaat atuartitsissutissanik naqiterititsiviata nittartagaani <a href="http://www.fui.dk">www.fui.dk</a> –mi atuartitsinermi atorussat assigiinnngitsut naleqquttut nassaarineqarsinnaapput. Atortussat tamakkua amerlanersaat Pilersuiffiup paasissutissiisarfianiit alakkarti-gassatut atorniarneqarsinnaapput.</p>
<ul style="list-style-type: none"> <li>• Atuartut kommunip, sumiiffimmi tassani suliffissuassap atorussatigut pisariaqartitsilluartup mingutsitsisuusussallu sananeqarmissaanut akuersinissaminut aalajangeriarnernut pitsaaqutinik pinngaannequtinillu naliliiniarneranut piviusuusaartitamik piviusumilluunniit saqqummiivigikkat. Atuartut isiginnaartitsinissamik piareersaateqartikkat isiginnaartitsisillugillu taamaaliormi soqutigisaqatigiit makkua pissusilersorneri oqaasiilu isiginnaartitsissutigineqassapput; mingutsitsinnginnissaq anguniarlugu qanoq iliuseqartartut, kommunimi atorfillit, namminersortunik suliffiutillit, suliffissuialiorniartut aallartitaat aammalu suliffissarsiortut.</li> </ul>	<p><i>Ilinniartitsisumut</i> Born, Erik W aamma Bøcher, Jens: "Pinngorfik, Pinngorarik Kalaalit Nunaat"/"Grønlands Økologi". (Immikkoortutut kalaallisut qallunaatullu naqitikkat). Ilinnusiorfik 2000/1999</p> <p><i>Atuartunut</i> Tom Døllner allallu: "GO 1-5". Nunalerutinik ilinnusiat ataqatigiissut atuartunut suliassartallit ilinniartitsisumullu ilitersuutitallit. Atuakkiorfik 1993 - 1995. <i>Ilinnusiat ataqatigiissut naqiteqqinneqassanngillat.</i></p> <p>Dybbro, Tommy: " Naturen i krise". Video. Verdensnatur-fonden, 1986. Pilersuiffik, ataatsimut katersugaateqarfik.</p> <p>"Giftruter". Video. SFC, 1991. Pilersuiffik, ataatsimut katersugaateqarfik.</p> <p>"Naturens hævn". Video. SFC, 1983. Pilersuiffik, ataatsimut katersugaateqarfik.</p> <p>"SOS - Redningsaktion Jorden". Sammisag pillugu illerfiusaq. Mellempolkeligt Samvirke, 1995. Pilersuiffik, ataatsimut katersugaateqarfik.</p> <p>Qallunaat atuartitsissutissanik naqiterititsiviata nittartagaani <a href="http://www.fui.dk">www.fui.dk</a> –mi atuartitsinermi atorussat assigiinnngitsut naleqquttut nassaarineqarsinnaapput. Atortussat tamakkua amerlanersaat Pilersuiffiup paasissutissiisarfianiit alakkarti-gassatut atorniarneqarsinnaapput.</p>





***Inuiaqatigiilerinermi ilikkagassatut pilersaarutit***

\*\*\*\*\*

*C: Tapiliut*



## Tapiliut C1 – Kalaallit Nunaata oqaluttuarisaanera pillugu atuakkat

Gad, Finn: "Grønlands Historie" - Bind 1-2-3

Nyt Nordisk Forlag, 1969.

*Atuagaq pitsaasoq Kalaallit Nunaata oqaluttuarisaanerani annikitsuarartai ilanngussorlugit alaatiinnit.*

Gad, Finn: "Grønland".

Politikens Danmarkshistorie.

Politikens Forlag, 1984.

*Kalaallit Nunaata oqaluttuarisaanerani atuakkiaq paasiuminartoq alakkarteruminartorlu.*

Lidegård, Mads: "Grønlands Historie". Nyt Nordisk Forlag Arnold Busck 1991.

*Kalaallit Nunaata oqaluttuarisaanerani atuakkiaq atuaruminartoq alakkarteruminartorlu.*

Birket-Smith, Kaj: "Eskimoerne".

Rhodos, MCHLXL.

*Nunani issittuni inuiaat inuit oqaluttuarineqarnerani atuakkiaq tamakkiisoq.*

Petersen, H.C.: "Den store Kajakbog". Atuakkiorfik 1997.

*Atuagaq Thulekulturimi inuuniarnermi atortorineqartunik allaaserinnit. Inuuniarnermi atortorineqartut ineriartortittuarneqarnerinik naleqqussartuarneqarnerinillu ersersitsisoq paasisitsisusorlu kalaallit kulturiata uninngaannarsimanginnerani ineriartortittuarneqarsimanerani.*

Krogh J., Knud: "Erik den Rødes Grønland". Nationalmuseets Forlag, 1982.

*Atuakkami ataatsimut ersersinneqarpoq Kallallit Nunaanni qallunaatsiaat oqaluttuarisaanerani.*

Holm, Gustav: "Konebådsekspeditionen". Rhodos, 1972.

*Ilisimasassarsiornerup nalaani tunumiut atortoqarnermikkut anersaaqarnermikkullu kulturiannik paasissutissiilluartoq.*

Frederiksen, Kurt L.: "Kongen af Thule"

Rhodos, 1995.

*"Kalaallit Nunaata ernera", Knud Rasmussen pillugu atuakkiaq katitigaq, aammalu Inughuit "nassarineqarnerisa" kingornagut oqaluttuarisaanerannik atuakkiaq.*

Wilhjelm, Henrik: "De store opdragere - Grønlands Seminarier i det 19. århundrede".

Det Grønlandske Selskab, 1997.

Wilhjelm, Henrik: "Af tilbøielighed er jeg grønlandsk.

Om Samuel Kleinschmidts liv og værk".

Det Grønlandske Selskab, 2001.

*Atuakkat piffissami pisumi pissutsinik paasinninnissamat tunngavissaalluartut aqqutaalluarput, taamanikkut Kalaallit Nunaanni allanngornersuarunik pisoqarmat paarsisutoqqat pilersinneqarnerisigut inuillu kalaallinik kinguaariit arlalit inuunerinik sivilisussuseqartumik kimitsisussat sunnissussallu ilinniartinneqarnerisa naligisaanik oqaluttuartut.*

Sørensen Kjær, A.: "Danmark - Grønland i det 20. århundrede - en historisk oversigt". Nyt Nordisk Forlag, 1983.

*Ukiuni 1900-rujukkunni Kalaallit Nunaata oqaluttuarisaanerani tunngaveqarluartumik atuakkiaq.*

SILA - Center for Grønlandsforskning, hjemmeside:

[www.sila.dk](http://www.sila.dk)

*Nittartagaq imaqarpoq qangarsuaaniit kalaallit kulturimikkut oqaluttuarisaanerani ilisimatusaateqartarsimanerani. Aammattaaq taamatut imaqartunut nittartakkanut allanut atorneqarsinnaalluartunut innersuussivittaqqartoq.*

Nunatta Katersugaasiviata nittartagaa:

[www.natmus.gl](http://www.natmus.gl)

